



列傳卷第八

元史一百二十一

南京國子監祭酒侯恪

司業謝德浦補修

速不台

速不台蒙古兀良合人其先世獵於斡難河上遇  
必乃皇帝因相結納至太祖時已五世矣捏里必者  
生孛忽都衆目爲折里麻折里麻者漢言有謀略人  
也三世孫合赤溫生哈班哈班二子長忽魯渾次速  
不台俱驍勇善騎射太祖在班朱尼河時哈班嘗驅  
羣羊以進遇盜被執忽魯渾與速不台繼至以槍刺

之人馬皆倒餘黨逸去遂免父難羊得達於行在所  
忽魯渾以百戶從帝與乃蠻部主戰於長城之南忽  
魯渾射却之其衆奔闊赤檀山而遺速以台以質子  
事帝爲百戶歲壬申攻金桓州先登拔其城帝命賜  
金帛一車滅里吉部強盛不附丙子帝會諸將於禿  
兀刺河之黑林問誰能爲我征滅里吉者速不台請  
行帝將而許之乃選裨將阿里出頌百人先行覘其  
虛實速不台繼進速不台戒阿里出曰汝止宿必載  
嬰兒具以行去則遺之使若挈家而逃者滅里吉見  
之粟以爲逃者遂不爲備己卯大軍至蟾河與滅里

吉遇一戰而獲其二將盡降其衆其部主霍都奔欽  
察速不台追之與欽察戰于玉峪敗之壬午帝征回  
回國其主滅里委國而去命速不台與只別追之及  
于灰里河只別戰不利速不台駐軍河東戒其衆人  
焚三炬以張軍勢其王夜遁復命統兵萬人由不罕  
川必里罕城追之凡所經歷皆無水之地旣度川先  
發千人爲游騎繼以大軍晝夜兼行比至滅里逃入  
海不知餘痛死盡獲其所棄珍寶以獻帝曰速不台  
枕干血戰爲我家宣勞朕甚嘉之賜以大珠銀罌癸  
未速不台上奏請討欽察許之遂引兵繞寬定吉思

兩廂侯謝修  
海展轉至太和嶺鑿石開道出其不意至則遇其首  
長玉里吉及塔塔哈兒方聚於不租河縱兵奮擊其  
衆潰走失及玉里吉之子逃於林問其奴來告而執  
之餘衆悉降遂收其境又至阿里吉河與斡羅思部  
大小密赤思老遇一戰降之略阿速部而還欽察之  
奴來告其主者速不台縱爲民還以聞帝曰奴不忠  
其主肯忠他人乎遂戮之又癸以滅里吉乃蠻怯烈  
杭斤欽察諸部千戶通立一軍從之略也迷里霍只  
部獲馬萬匹以獻帝欲征河西以速不台比年在外  
恐父母思之遣命歸省速不台奏願從西征帝命度

大磧以往丙戌 下撒里畏吾特勒赤閔等部及德  
順鎮戎蘭會洮河諸州得牝馬五千匹悉獻于朝丁  
亥聞太祖崩乃還己丑太祖即位以禿滅于公主妻  
之從攻潼關軍失利帝責之睿宗時在藩邸言兵家  
勝負不常請令立功自効遂命引兵從睿宗經理河  
南道出牛頭關遇金將合達 帥步騎數十萬待戰睿  
宗問以方略速不台曰城居之人不耐勞苦數挑以  
勞之戰乃可也 師集三峯山金兵圍之數匝會風  
雪大作其士卒僵仆師乘之 殺戮殆盡自是金軍不  
能復振壬辰夏睿宗還駐官山留速不台統諸道兵

元史卷之八  
三  
國汴癸巳金主渡河北走追敗之於黃龍岡斬首萬  
餘級金主復南走歸德府未幾復走蔡州汴降俘其  
后妃及寶器以獻進圍蔡州甲午蔡州破金主自焚  
死時汴梁受兵日久歲飢人相食速不台下令縱其  
民北渡以就食乙未太宗命諸王拔都西征八赤蠻  
且日聞八赤蠻有膽氣速不台亦有膽勇可以勝之  
遂命爲先鋒與八赤蠻戰繼又令統大軍遂虜八赤  
蠻妻子於寬田吉思海八赤蠻聞速不台至大懼逃  
入海中辛丑太宗命諸王拔都等討兀魯思部主也  
烈班爲其所敗圍禿里思歌城不克拔都奏遣速不台

戰速不台選哈必赤軍怯憐口等五十人赴之一  
戰獲也烈班進攻禿里思哥城三日克之盡取兀魯  
思所部而還經哈嘔里山攻馬札兒部主怯憐速不  
台爲先鋒與諸王拔都吁里兀昔班哈丹五道分進  
衆曰怯憐軍勢盛未可輕進速不台出奇計誘其軍  
至漸寧河諸王軍於上流水淺馬可涉中復有橋下  
流水深速不台欲結棧潛渡繞出敵後未渡諸王先  
涉河與戰拔都軍爭橋反爲所乘沒甲士三十人弁  
亡其麾下將八哈禿既渡諸王以敵尚衆欲要遠不  
台還徐圖之速不台曰王欲歸自歸我不至禿納河

馬茶城不還也乃馳至馬茶城諸王亦至遂以授之  
而還諸王來會拔都曰遼寧河戰時速不台救速  
我入時禿速不台曰諸王惟知上流水淺且有橋遂  
渡而戰不知我於下流結棧未成今但言我遲當  
心其故於是拔都亦悟後大會飲以馬乳及蒸葡萄酒  
書征怯憐時事曰當時所獲皆速不台功也壬寅大  
宗崩癸卯諸王大會拔都欲不往速不台曰夫王於  
疾屬為兒安得不往甲辰遂會於也只里河丙午定  
宗即位既朝會還家于禿刺河上戊申卒年三十三  
宣力佐命功

河南王謚忠定子兀良合合

兀良合台初事太祖時憲宗為皇孫尚幼以兀良合  
台世為功臣家使護育之憲宗在潛邸遂分掌宿衛  
歲乙巳領兵從定宗征女真國破萬奴於遼東繼從  
諸王拔都征欽察兀魯思阿孛烈兒諸部丙午又從  
拔都討孛烈兒乃捏迷思部平之巳酉定宗崩拔都  
與宗室大臣議立憲宗事久未決四月諸王大會定  
宗皇后問所宜立皆惶惑莫取對兀良合台對曰此  
議已先定矣不可復變拔都曰兀良合台言是也議  
遂定憲宗即位之明年世祖以皇弟總兵討西南夷

馬蠻白蠻鬼蠻諸國以兀良合台總督軍事其鬼蠻  
卽赤秃哥國也癸丑秋大軍自旦當嶺入雲南境摩  
娑二部酋長唆火脫因塔裏馬來迎降遂至金沙江  
兀良合台分兵入察罕章蓋白蠻也所在寨柵以次  
攻下之獨阿塔刺所居半空和寨依山枕江牢不可  
拔使人覘之言當先絕其汲道兀良合台率精銳立  
砲攻之阿塔刺遣人來拒兀良合台遣其子阿木迎  
擊之寨兵退走遂并其弟阿叔城俱拔之進師取龍  
言關翊世祖入大理國城甲寅秋復分兵取附都善  
闡轉攻合刺章水城屠之合刺章蓋烏蠻也前次羅

部府大酋高昇集諸部兵拒戰大破之於洩可浪山  
下遂進至烏蠻所都押赤城城際滇池三面皆水旣  
險且堅選驍勇以砲摧其北門縱火攻之皆不克乃  
大震鼓鉦進而作作而止使不知所爲如是者七月  
伺其困乏夜五鼓遣其子阿木潛師躍入亂斫之遂  
大潰至昆澤擒其國王段智興及其渠帥馬合刺昔  
以獻餘衆依阻山谷者分命裨將也里脫伯押真掩  
其右合台護尉掩其左約三日捲而內向及圍合與  
阿木引善射者二百騎期以三日四面進擊兀良合  
台陷陣鏖戰又攻織寨拔之至乾德哥城兀良合台

病委軍事於阿朮環城立砲以草填塹衆軍始集阿朮包率所部搏戰城上城遂破乙卯攻不花合因阿合阿因等城阿朮先登取其三城又攻赤禿哥山寨阿朮緣嶺而戰遂拔之乘勝擊破魯廝國塔渾城又取忽蘭城魯廝國大懼請降阿伯國有兵四萬不降阿朮攻之入其城舉國請降復攻阿魯山寨進攻阿魯城克之乃搜捕未降者遇赤禿哥軍於合打台山追赴臨崖盡殺之自出師至此凡二年平大理五城八府四郡洎烏白等蠻三十七部兵威所加無不欵附丙辰征白蠻國波麗國阿朮生擒其驍將獻俘

關下詔以便宜取道與鐵哥帶兒兵合遂出烏蒙地瀘江剗禿刺蠻三城却宋將張都統兵三萬奪其船二百艘於馬湖江斬獲不可勝計遂通道於嘉定重慶抵合州濟蜀江與鐵哥帶兒會丁巳以雲南平遣使獻捷於朝且請依漢故事以西南夷悉爲郡縣從之賜其軍銀五千兩綵幣二萬四千匹授銀印加大元帥還鎮大理遂經六盤山至臨洮府與大營合月餘復西征烏蠻秋九月遣使招降交趾不報冬十月進兵壓境其國主陳日照隔江列象騎步卒甚盛兀良合台分軍爲三隊濟江徹徹都從下流先濟大師

居中駙馬懷都與阿朮在後仍授徹徹都方略曰汝軍旣濟勿與之戰彼必來逆我駙馬隨斷其後汝伺便奪其船蠻若潰走至江無船必爲我擒矣師旣登岸即縱與戰徹徹都違命蠻雖大敗得駕舟逸去兀良合台怒曰先鋒違我節度軍有常刑徹徹都懼飲藥死兀良合台入交趾爲父駐計軍令嚴肅秋毫無犯越七日日昃請內附於是置酒大饗軍士還軍柙赤城戊午引兵入宋境其地炎瘴軍士皆病遇敵少却亡軍士四人阿朮還戰擒其卒十二人其援復至阿朮以三十騎阿馬禿繼以五十騎擊走之時兀良

合台亦病將旋師阿朮戰馬五十疋夜爲禿刺蠻所掠入告兀良合台曰吾馬盡爲盜掠去將何以行即分軍搜訪知有三寨蔽馬山顛阿朮親率將士攀崖而上破其諸寨生擒賊酋盡得前後所盜馬千七百疋乃屠柙赤城憲宗遣使諭旨約明年正月會軍長沙乃率四王騎兵三千蠻棘萬人破橫山寨關老蒼關徇宋內地宋陳兵六萬以俟遣阿朮與四王潛自間道衝其中堅人敗之盡殺其衆乘勝擊逐躡貴州蹂象州入靜江府連破辰沅二州直抵潭州城下潭州出兵二十萬斷我歸路兀良合台遣阿朮與大納

玉龍帖木兒軍其前而自與四王軍其後來擊破之  
兵自入敵境轉鬪千里未嘗敗北大小十三戰殺宋  
兵四十餘萬擒其將大小三人其州又遣兵來攻追  
至門濠掩溺殆盡乃不敢復出壁城下月餘時世祖  
已渡江駐鄂州遣也里蒙古領兵二千人來援且加  
勞問遂自鄂州之滸黃洲北渡與大軍合庚申世祖  
即位夏四月兀良合台至上都後十二年卒年七十  
二子阿朮自有傳

按竺邇

按竺邇雍古氏其先居雲中塞上父黜公爲金群牧

使歲辛未驅所牧馬來歸太祖終其官按竺邇幼鞠  
于外祖朮要甲家訛言爲趙家因姓趙氏年十四隸  
皇子察合台部嘗從大獵射獲數麋有二虎突出射  
之皆死由是以善射名皇子深器愛之甲戌太祖西  
征尋思干阿里麻里等國以功爲千戶丁亥從征積  
石州先登拔其城圍河州斬首四十級破臨洮攻德  
順斬首百餘級攻鞏昌駐兵秦州太宗卽位尊察合  
台爲皇兄以按竺邇爲元帥戊子鎮刪丹州白燉煌  
置驛抵玉關通西域從定關隴辛卯從圍鳳翔按竺  
邇分兵攻西南隅城上礮石亂下選死士先登拔其

城斬金將劉興哥分兵攻西和州宋將疆俊領衆數萬堅壁清野以老我師按竺邇率死士罵城下挑戰俊怒悉衆出陣按竺邇佯走俊追之因以奇兵奪其城伏兵要其歸轉戰數十里斬首數千級擒俊餘衆退保仇池進擊拔之從拔平涼慶陽邠原寧皆降涇州復叛殺守將郭元恕衆議屠之按竺邇但誅首惡師還原州降民棄老幼夜入走衆曰此必反也宜誅之以警其餘按竺邇曰此輩懼吾驅之比徙耳遣人諭之曰汝等若走以軍法治罪父母妻子併誅矣汝歸保無他明年草青具牛酒迎師於此州民皆復

豪民陳苟集數千人潛新寨諸洞衆議以火攻之按竺邇曰招諭不出攻之未晚遂偕數騎抵寨縱馬解弓矢召苟遙語折矢與爲誓苟卽相呼羅拜謝更王之恩皆降金人守潼關攻之戰于扇車回不克睿宗分兵由山南入金境按竺邇爲先鋒趣散關宋人已燒絕棧道復由兩當縣出魚關軍沔州宋制置使桂如淵守興元按竺邇假道於如淵曰宋讐金久矣何不從我兵鋒一洗國耻今欲假道南鄭由金洋達唐鄧會大兵以滅金豈獨爲吾之利亦宋之利也如淵度我軍壓境勢不徒還遂遣人導我師由武休關東

抵鄧州西破小關金人大駭謂我軍自天而下其平  
章完顏合達樞密使移剌蒲阿帥十七都尉兵數十  
萬相拒于鄧我師不與戰直趣鈞州與親王按赤台  
等兵合陣三峰山下會天大雪金兵成列按竺邇先  
率所部精兵迎擊於前諸軍乘之金師敗績癸巳金  
主奔蔡十二月從圍蔡甲午金亾初金將郭斌自鳳  
翔突圍出保金蘭定會四州至是命按竺邇往取之  
圍斌于會州食盡將走敗之于城門兵入城巷戰死  
傷甚衆斌手劔驅其妻子聚一室焚之巳而自投火  
中有女奴自火中抱兒出泣授人曰將軍盡忠恐使

絕嗣此其兒也幸哀而收之言畢復赴火死按竺邇  
聞之則然命保其孤遂定四州金將汪世顯守涇州  
皇子闊端圍之未下遣按竺邇等往招之世顯率衆  
來降皇兄嘉其林勇賞賚甚厚賜名拔都拜征行大  
元帥丙申大軍伐蜀皇子出大散關分兵令宗王穆  
直等出陰平郡期會于成都按竺邇領砲手兵爲先  
鋒破宕昌殘階州攻文州守將劉祿數月不下謀知  
城中無井乃奪其汲道率勇士梯城先登殺守陴者  
數十人遂拔其城祿死之因招徠吐蕃酋長勘陁孟  
迦等十族皆賜以銀符畧定龍州遂與大散軍合進

克成都帥還而成都復叛丁酉按竺邇言於宗王曰  
隴州縣方平人心猶貳西漢陽當隴蜀之衝宋及吐  
蕃利於入寇宜得良將以鎮之宗王曰安反側制寇  
賊此上策也然無以易汝遂分蒙古千戶五人隸麾  
不以徃按竺邇命公和尚南戍沔州之石門朮魯西  
戍階州之兩水謹斥候嚴巡邏西南諸州不敢犯之  
戊戌從元帥塔海率諸翼兵伐蜀克隆慶巳亥攻童  
慶庚子圖萬州宋人將舟師數百艘遡流迎戰按竺  
邇順流率勁兵乘巨筏浮草舟於其間弓弩兩射宋  
人不能敵敗諸夔門辛丑伐西川破二十餘城成都

守將田顯開北門以納師宋制置使陳隆之出奔追  
獲之縛至漢州令誘降守將王夔夔不降進兵攻之  
夔夜驅火牛突圍出奔遂斬隆之王寅會六軍破遂  
寧瀘叙等州癸亥破資州庚戌按竺邇安輯涇邠二  
州宋制置使介玠攻興元文州降將三德新乘隙目  
階州叛執扈牛二鎮將領衆千餘走江油憲宗召按  
竺邇還舊鎮按竺邇遣將直擣江油奪扈牛以歸中  
統元年世祖卽位親王有異謀者其將阿藍荅兒渾  
都海圖據關隴時按竺邇以老委軍於其子帝遣宗  
王塔丹哈必赤阿曷馬西討按竺邇曰今內難方殷

浸亂關隴豈臣子安臥之時耶吾雖老尚能破賊遂引兵出刪丹之耀碑谷從阿曷馬與之合戰會大風晝晦戰至晡大敗之斬馘無筭按竺邇與總師汪良臣獲阿藍荅兒渾都海等捷聞帝錫璽吾褒美賜弓矢錦衣四年卒年六十九延祐元年賜推忠佐運功臣太保儀同三司上柱國封秦國公謚武宣子十人徹理國寶最知名徹理襲職爲元帥丁巳從父攻瀘州降宋將劉整宋將姚德璧雲頂山戊午大軍圍之徹理卒部兵由水門先登破其壁德降後以病廢卒國寶一名黑梓少擊劍學書個儻好義有謀畧父爲元

帥軍務悉以委之故所至多捷從攻重慶降宋都統張實併掠合州以歸中統元年從攻阿藍荅兒有功阿藍荅兒叛將大都據吐蕃之點西嶺國寶攝帥事討之衆欲速戰國寶曰此窮寇也宜少緩以計破之遂以精兵襲其後火都欲西走國寶據險要之挑戰則歛兵自固相持兩月潛兵出其不意擒殺之捷聞賜弓矢金綺初按竺邇之告老制命徹理襲征行元帥徹理以疾不視事國寶乃謂諸弟曰昔我先人耀兵西陲大功旣集關隴雖寧而西戎未靖此吾輩立功之秋也乃遣謝昂與弟國能持金帛說降吐蕃酋

長勘陁孟迦從國寶入覲國寶奏曰文州山川險阨控庸蜀拒吐蕃宜城文州屯兵鎮之從之授國寶三品印為蒙古漢軍元帥兼文州吐蕃萬戶府達魯花赤與勘陁孟迦皆賜金符時扶州諸羗未附國寶宣上威德於是呵哩禪波哩揭諸酋長皆歸款從國寶入覲國寶圖山川形勢以獻詔授呵哩禪波哩揭為萬戶賜金虎符諸酋長為千戶皆賜金符賜國寶金幣國寶治文州有善政至元四年卒延祐元年贈推誠佐理功臣光祿大夫平章政事柱國封梁國公謚忠定子世榮世延初國寶將卒以世榮幼命弟國安

襲其職國安既襲蒙古漢軍元帥兼文州吐蕃萬戶府達魯花赤後以其兄國寶安邊功賜金虎符進昭勇大將軍十五年討叛王吐魯千六盤獲之請解職授世榮帝曰人爭而汝讓可以敦薄俗錄其六盤功進昭毅大將軍招討使世榮襲懷遠大將軍蒙古漢軍元帥兼文州吐蕃萬戶府達魯花赤後以功進安遠大將軍吐蕃宣慰使議事都元帥佩三珠虎符世延中書平章政事

### 畏谷兒

畏谷兒忙兀人其先刺真八都兒有二子次名忙兀

兒始別爲怵兀氏畏答兒其六世孫也與兄畏翼俱  
事太祖時太疇強盛畏翼率其屬歸之畏答兒力止  
之不聽追之又不可還畏答兒乃還事太祖太祖曰  
汝兄旣去汝獨留此何爲畏答兒無以自明取矢折  
而誓曰所不終事主者有如此矢太祖察其誠更名  
爲薛禪約爲按達薛禪者聰明之謂也按達者定交  
不易之謂也太祖與克烈王罕對陳於哈刺真師少  
不敵帝命兀魯一軍先殲其將木徹台橫鞭馬鬣不  
應畏答兒奮然曰我猶鑿也諸君斧也鑿匪斧不入  
我請先入諸軍繼之萬一不還有二黃頭兒在唯上

念之遂先出陷陣大敗之至晡時猶追逐不已敕使  
止之乃還腦中流矢創甚帝親傳以善藥留處帳中  
用餘卒帝深惜之及主罕滅帝以其將只里吉實抗  
畏答兒乃分只里吉實民百戶隸其子且使世世歲  
賜不絕仍令收完忙兀人民之散亾者太宗思其功  
復以北方萬戶封其子忙哥爲郡王歲丙申忽都忽  
大料漢民分城邑以封功臣授忙哥泰安州民萬戶  
帝訝其少忽都對曰臣今差次惟視舊數多寡忙  
哥舊總八百戶帝曰不然長答兒封戶雖少戰功則  
多其增封爲二萬戶與十功臣同爲諸侯者封戶皆

與其藉兀魯爭曰忙哥舊兵不及臣之半今封顧多  
於臣帝曰汝急而先橫鞭馬鼠特耶兀魯遂不敢言  
忙哥卒孫只里瓦解乞答解曾孫忽都忽兀乃忽里  
哈赤俱襲封爲郡王

### 博羅歡

博羅歡畏答兒幼子蘸木骨之孫瑣魯火都之子也  
諸侯王及十功臣各有斷事官博羅歡年十六爲  
本部斷事官從世祖討阿里不哥數有功帝喜而賜  
馬四十匹金幣稱之中統三年李壇叛命帥忙兀一  
軍圍濟南分兵掠益都萊州悉平之詔錄燕南獄獄

決明允賜衣一襲皇子雲南王愛哥亦爲其省臣寶  
合丁毒死事覺中書擇可治其獄者四人奏上皆不  
稱旨丞相線真以博羅歡聞帝可其奏博羅歡辭曰  
臣不敢愛死第年少不知書恐誤事耳帝乃以吏部  
尚書別帖木兒輔其行未至雲南寶合丁密以金六  
人迎餽祈勿究其事博羅歡盧其握兵徼外拒之恐  
致變陽諾曰吾橐不能容可且持歸待我取之博羅  
歡至則竟其獄誅毒王者而歸其金于省陛見帝願  
謂線真曰卿舉得其人矣賜黃金五十兩詔仁兀事  
無大小悉統於博羅歡授昭勇大將軍右衛親軍都

指揮使大都則專右衛上都則兼三衛會伐宋授金  
吾衛上將軍中書右丞詔分大軍爲二右軍受伯顏  
阿木節度左軍受博羅歡節度俄兼淮東都元帥罷  
山東經畧司而以其軍悉隸焉遂軍于下邳召將佐  
謀曰清河城小而固與昭信淮安泗州爲犄角猝未  
易拔海州東海石秋遠在數百里之外必不嚴備吾  
頓大兵爲疑兵以輕騎倍道襲之其守將可擒也帥  
至三城果皆下清河一降宋主以國內附而淮東諸  
城猶爲之守詔博羅歡進軍拔淮安南堡戰白馬湖  
及宝應掠高郵自西小河入漕河援灣頭斷通泰援

兵遂下揚州淮東平益封桂陽德慶二萬一千戶十  
四年討叛臣只里幹台于德昌平之賜玉帶文綺與  
博羅同署樞密院事拜中書右丞行省北京未幾召  
還時江南新附尚多反側詔募民能從大軍進討者  
使自爲一軍聽節度於其長而毋役於他軍制命符  
節皆與正同會博羅歡寢疾乃附樞密董文忠奏曰  
今疆土寢廣勝兵百萬指揮可集何假此無籍之徒  
彼一踐南土則掠人貨財俘人妻孥仇怨益滋而叛  
者將愈衆矣奏上召輿疾賜坐與語帝大悟遂可其  
奏而常德入訖唐兀一軍殘暴其境內敕斬以徇凡

所募軍皆罷十六年以哈刺斯博羅思幹羅罕諸部不相統命博羅歡監之十八年以中書右丞行省甘肅二十年拜御史大夫行御史臺事以疾歸諸王乃顏叛帝將親征博羅歡諫曰昔太祖分封東諸侯其地與戶臣皆知之以二十爲率乃顏得其九怙兀兀魯扎刺兒弘吉刺亦其烈思五諸侯得其十一惟徵五諸侯兵自足當之何至上煩乘輿哉臣疾且愈請事東征帝乃錫鎧甲弓矢鞍勒命督五諸侯兵與乃顏戰敗之其黨塔不帶以兵來拒會久雨軍乏食諸將欲退博羅歡曰今兩陣相對豈容先動俄塔不帶

引兵退博羅歡以其師乘之博戰二日身中三矢大破之斬其駙馬忽倫敵大師月魯那演大軍來會遂平乃顏擒塔不帶旣而其黨哈丹復叛詔與諸侯王乃馬帶討之哈丹游騎猝至博羅歡從三騎返走抵絕澗可二丈許追騎垂及博羅歡策其馬一躍而過三從騎皆没人以爲有神助云哈丹死斬其子老的於陳往返凡四歲凱旋俘哈丹二妃以獻敕以一賜乃馬帶一賜博羅歡陳其金銀器於延春閣上召諸侯王將帥分賜之博羅歡辭帝曰卿可謂能讓乃賜金銀器五百兩以旌之河南宣慰改行中書省拜平

三史列傳卷八 十六  
章政事有詔括馬母及勲臣之家博羅歡曰吾馬成  
群所治地方三千里不先出馬何以爲吏民之倡乃  
先入善馬十有八汴南諸州莽爲巨浸博羅歡躬行  
決口督有司繕完之三十二年成宗立遷陝西行中  
書省平章政事未行畱鎮河南入朝請以泰安州所  
入五戶絲四千斤易內庫繒帛分給怵兀一軍帝爲  
赦遞車送軍中賜以銀百五十兩陛辭帝諭之曰卿  
今白鬚世祖德言寔多聞之宜加慎護因以世祖所  
佩弓矢輦帶賜之有頃近臣奏伐宋時右軍分屬伯  
顏阿木左軍分屬博羅歡今伯顏阿木皆受分地而

博羅歡未及惟帝裁之帝曰何久不言豈彼耻自請  
耶乃益封高郵五百戶大德元年叛王藥朮忽兒兀  
魯速不花來歸博羅歡聞之道使馳奏曰請王之叛  
皆由其父此輩幼弱無所與知今茲來歸宜棄其前  
惡以勸未至帝深以爲然賜金鞍勒命以平章政事  
行省湖廣會并福建行省入江浙拜光祿大夫上柱  
江西浙等處行中書省平章政事居歲餘卒年六十  
三博羅歡勇有智畧戰常以身先之所獲財物悉與  
將士故得其死力平居常以國事爲憂聞變卽請行  
至終其事乃止其忠義蓋天性然也累贈推勇宣力

贊運功臣太師開府儀同三司上柱國加封奉安王  
謚武穆子渾都伯都堃先帖木兒博羅渾都山東宣  
慰使選授中書平章政事堃先帖木兒河南北江等  
處行中書省左丞相卒官開府儀同二司翰林學士  
丞旨博羅陝西等處行中書省平章政事堃先帖木  
兒子尼摩星吉襲郡王亦忠刺瓦性吉中政使

伯郡幼穎異不以家世自矜長嗜書史大德五年擢  
江東道廉訪副使拜江南行臺侍御史未幾召入僉  
樞密院事領舍兒別赤至大二年出爲江南行臺御  
史中丞遷陝西行臺御史大夫延祐元年拜甘肅行

省平章政事時米價騰湧陸輓每石費二百緡乃爲  
經畫計所省至四百餘萬緡自是諸倉俱充溢甘州  
氣寒地瘠少稔歲民饑則發粟賑之春闕種則貸之  
於是兵饟旣足民食亦給詔賜名鷹甲冑弓矢及鈔  
五千緡以勞焉四年移江浙行省平章政事入爲太  
子兵客上書陳古先聖王正心脩身之道帝嘉納之  
遷江南行臺御史大夫皇太后謂東官官不宜使外  
止其行遂以疾辭去寓居高郵英宗卽位復命爲江  
南行臺御史大夫陛見以疾固辭帝慰諭久之命以  
平章之祿歸養于家復賜鈔十萬緡所服藥須空青

詔遣使江南訪求之伯都辭謝曰臣曩膺重寄深懷弗稱今已病廢况敢叨濫厚祿以受重賜乎併以所給平章政事祿歸有司泰定元年還京師卒朝廷知其貧賻鈔二萬五千貫御史臺奏賻三萬五千貫仍還所辭祿妻私吉刺氏弗受曰始相都仕于朝不敢虛受廩祿今歿矣苟受是祿非其意也卒辭之子篤爾只將作完判官

抄思

抄思乃蠻部人文號曰荅祿其先泰陽為乃蠻部主祖曲書律父敞溫太祖舉兵討不庭曲書律失其部

抄思乃蠻部人文號曰荅祿其先泰陽為乃蠻部主祖曲書律父敞溫太祖舉兵討不庭曲書律失其部石三州不避矢石先登焉鴈門之戰集捷會太宗命睿宗平金抄思執銳以從與金兵戰所向無前二辰兵次釣州金兵壘于三峯山抄思突示其營登不三日夜領精騎襲之金兵驚擾遂乘擊之拔三峯山睿宗以抄思功聞于朝有旨以海陽陰縣黃坦撫等一百一十七戶賜之抄思力辭不受復賜以男女五十二口一巨黃金警帶酒壺五盃一辭弗許迺受之制受高下與內侍胡都虎留乞公以起西京等處軍人征行

世  
其守隨州招集民之無事十人以官一員領之丁酉  
七月奉旨調軍得西京六名濱棣德六孟真定河間  
而治磁成新衛保等府州軍四千六十餘人統之後  
悉鎮鎮以疾歸大名歲戊申正月卒年十四子別  
的因

的因在襁褓時父抄思方領兵平金與其祖母享  
皇氏在三皇后宮庭戊申父抄思卒母張氏迎別的  
因以歸祖母康里氏卒張嘗從容訓之曰人有三成  
人知畏懼成人知羞耻成人知艱難成人則禽獸  
而已别的因受教誨謹甲寅世祖以宗王鎮黑水有

旨蒲察罕那顏命别的因襲抄思職為副萬戶  
隨類等處丙辰冬十有二月世祖復論征鎮軍士悉  
募别的因等號令别的因身長七尺餘有豐多力善  
刀舞尤精騎射士卒咸畏服之明年庚申世祖即位  
委任克寧癸亥正月召赴行在所冬十一月謁見世  
祖於行在所世祖賜金符以别的因為壽額二州屯  
田府達魯花赤時二州地多荒蕪有虎食民妻其夫  
未告别的因默然良久曰此易治耳廼立檻設機縛  
三羊檻中以誘虎夜半虎果至機發虎墮檻中因取  
射之虎遂死自是虎害頓息至元十三年授明威將

軍信陽府達魯花赤佩金符時信陽亦多虎別的因  
三未久一日以馬揚置鞍上出獵命左右燔山虎出  
走別的因以錫擲虎虎搏楊據地而吼別的因旋馬  
視虎射之虎立死十六年進宣威將軍常德路副達  
魯花赤會同知李明秀作亂別的因請以單騎往招  
之直抵賊壘賊輕之不設備別的因諭以朝廷恩德  
使爲自新計明秀素畏服遂與俱來別的因聞于朝  
明秀伏誅賊遂平三十二年進懷遠大將軍遷池州  
路達魯花赤之官道經潁上潁近荆山有野豕時出  
害民禾稼民莫能制別的因至迎拜境上告以其

故別的因曰母慮也遂至荆山以狼牙箭射之豕走  
數里大德十三年進昭勇大將軍台州路大魯花赤  
卒年八十一子不花僉嶺南廣西道肅政廉訪司事  
文圭有隱德贈秘書監著作郎延壽湯陰縣達魯花  
赤孫守恭曾孫與權皆讀書登進士科人多稱之

列傳卷第九

元史一百二十二

南京國子監祭酒侯恪

司業 謝德溥 補修

巴而朮阿而忒的斤

巴而朮阿而忒的斤亦都護亦都護者高昌國主號也先世居畏兀兒之地有和林山二水出焉曰秃忽刺曰薛靈哥一夕有神光降于樹在兩河之間人即其所而侯之樹乃生瘦芳懷姙狀自是光常見越九月又十日而樹瘦裂得嬰兒者五土人收養之其晁稚者曰不可罕既壯遂能有其民人土田而為之君

長傳三十餘君是爲玉倫的斤數與唐人相攻戰久之議和親以息民罷兵於是唐以金蓮公主妻的斤之子葛勵的斤居和林別力跋力荅言婦所居山也又有山曰天哥里于荅哈言天靈山也南有石山曰胡力荅哈言福山也唐使與相地者至其國曰和林之盛疆以有此山也蓋壞其山以弱其國乃告諸的斤曰旣爲婚姻將有求與尔其與之乎福山之石於上國無所用而唐人願見的斤遂與之石大不能動唐人以烈火焚之沃以醲醋其石碎乃輦而去國中鳥獸爲之悲號後七日主倫的斤卒災異屢見民弗

安居傳位者又數亾乃遷於交州交州即火州也絕別失八里之地北至阿木河南接酒泉東至元敦甲石哈西臨西蕃居是者九百七十餘載而至巴而木阿而忒的斤臣於契丹歲已巳聞太祖興朔方遂殺契丹所置監國等官欲來附未行帝遣使使其國亦都護大喜卽遣使入奏曰臣聞皇帝威德卽弃契丹舊好方將通誠不自意天使降臨下國自今而後願率部衆爲臣僕是時帝征太陽可汗射其子脫脫殺之脫脫之子大都赤刺溫焉札兒禿薛千四人以不能歸全屍遂取其頭涉也死的石河將奔亦都護先

遣使往亦都護殺之四人者至與大戰於稽河亦都護遣其國相來報帝復遣使還榆亦都護遂以金寶入貢辛未朝帝于怯綠連河奏曰陛下若恩顧臣使臣得與陛下四子之末庶幾竭其犬馬之力帝感其言使尚公主也立安敦且得序於諸子與者必那演征罕勉力鎖潭回回諸國將部曲萬人以先紀律嚴以所向克捷又從帝征你沙下里仁河西皆有大功既卒而次子玉古倫赤的斤嗣玉古倫赤的斤卒子馬木刺的斤嗣將探馬軍萬人從憲宗伐宋合州攻的魚山有功還火州卒至元三年世祖命其子火赤

兒的斤嗣爲亦都護海都帖木迭兒之亂畏兀人之民遭亂解散於是有旨命亦都護收而撫之其民人在宗王近戚之境者悉遣還其部畏兀兒之衆復輯十二年都哇卜思巴等率兵十二萬圍火州聲言曰阿只吉奧魯只諸王以三十萬之衆猶不能抗我而自潰尔敢以孤城當吾鋒乎亦都護曰吾聞忠臣不事二主吾生以此城爲家死以此城爲墓終不能從尔也受圍凡六月不解都哇以書繫矢射城中曰我亦太祖皇帝諸孫何以不附我且尔祖嘗尚公主矣尔能以女與我我則休兵不然則急攻尔其民相

與言曰城中食且盡力已困都哇攻不止則相與俱  
亡矣亦都護曰吾豈惜一女而不以救民命乎然吾  
終不能與之相見以其女也立亦黑迷失別吉厚載  
以茵引繩縋城下而與之都哇解去其後入朝帝嘉  
其功錫以重賞妻以公主曰巴巴哈兒定宗之女也  
又賜鈔十萬錠以賑其民還鎮火州屯於州南哈密  
力之地兵力尚寡北方軍忽至其地大戰力盡遂死  
之子紐林的斤尚幼詣闕請兵北征以復父讎帝壯  
其志賜金幣巨萬妻以公主曰不魯罕太宗之孫文  
也公主薨又尚其妹曰八卜義有旨師出河西俟七

征諸軍齊發遂留朮昌會吐蕃脫思麻作亂詔以榮  
祿大夫平章政事領本部探馬等軍萬人鎮吐蕃宣  
慰司威德明信賊用斂迹其民賴以安武宗召還嗣  
爲亦都護賜之金印復署其部押西護司之官仁宗  
始稽故實封爲高昌王別以金印賜之設王傳之官  
其王印行諸內郡亦都護印行諸畏兀兒之境八卜  
義公主薨復尚公主曰兀刺真安西王之女也領兵  
火州復立畏兀兒城池延祐五年薨子二人長曰帖  
木兒補化次曰籤吉皆八卜義公主所生也帖木兒  
補化大德中尚公王曰朮兒只思蠻闔端太子孫女

也至大中從父入覲備宿衛又事皇太后於東朝拜  
中奉大夫領大都護事又以資善大夫出為鞏昌等  
處都總帥達魯花赤奔父喪於永昌請以王爵讓其  
叔父欽察台叔父力辭乃嗣為亦都護高昌王至治  
中領甘肅諸軍仍治其部泰定中召還與威順王寬  
徹不花宣靖王質靖安王闊不花分鎮襄陽俄拜  
開府儀同三司湖廣行省平章政事文宗召至京師  
佐平大難時湖廣丞有以忌嫉害政者詔命誅之  
帖木兒補化乃為請曰是誠有罪然不至死人服  
其雅量天曆元年

重事知樞密院事明年正月以舊宮勲封拜中書左  
丞相三月加太子詹事十月拜御史大夫其弟錢吉  
乃以讓嗣為亦都護高昌王

鐵邁赤 虎都鐵木祿 塔海

鐵邁赤合魯氏善騎射初事忽蘭皇后帳前嘗命為  
搆馬官從太祖定西夏又從皇子闊出忽都行省鐵  
木答兒定河南累有戰功憲宗之伐宋也世祖以皇  
弟受命攻鄂大駕征西川遣元帥兀良哈台自交趾  
為宋與諸軍合歲己未皇弟駐兵鄂渚聞兀良哈台  
由廣西至長沙遣鐵邁赤將練卒千人鐵騎三千迎

兀良哈台于岳州兀良哈台得援抵江夏北涉黃州  
鐵邁赤與有力焉世祖卽位命從征叛王于失木土  
之地勞績益著至元七年授蒙古諸萬戶府與魯總  
管十九年以疾卒子八人虎都鐵木祿最顯

虎都鐵木祿好讀書與學士大夫遊字之曰漢卿仁  
宗嘗顧左右曰虎都鐵木祿字漢卿漢名卿不讓也  
汝等以漢卿名之宜矣其母姓劉氏故人又稱之曰  
劉漢卿云至元十二年從丞相伯顏渡江旣取宋遣  
視宋故宮室護帑藏諭下明越等州從平章奧魯入  
覲授忠顯校尉總把再轉昭信校尉二十二年授奉

訓大夫荆湖占城等處行中書省理問官時行省之  
名曰荆湖占城曰荆湖曰湖廣凡三改理問一日以  
軍事入奏敷陳辨白有指趣世祖大悅若曰辭簡意  
明令人樂於聽受昔以其兄阿里警敏捷給令侍左  
右斯人顧不勝耶勅都護脫因納志之平章政事程  
鵬飛建議征日本奏漢卿爲征東省郎中帝顧脫因  
納若曰鵬飛南士也猶知其能姑聽之候還朕自錄  
任征東省罷徵漢卿還丞相阿里海牙以湖廣行省  
樞密事重舍漢卿無可用者遣郎中岳洛也奴奏留  
從之二十一年從皇子鎮南王征交趾比還鄂時權

臣方擅威福遂退處干家二十八年詔太傅右丞相  
廣德王荅刺罕擒權姦于鄂答刺罕遂拜湖廣行中  
書省平章政事詢舊人知方面之務者衆薦漢卿遣  
使卽南陽家居驛致武昌奏事京師帝嘉之擢給事  
中居再歲提刑按察司改肅政廉訪司臺臣奏授奉  
議大夫廣西海北道副使陞辭留之仍舊職旣而湖  
廣行省平章政事劉傑奏伐交趾造戰船五百于廣  
東帝曰此重事也須才幹臣乃濟用以漢卿督匠南  
方勅曰汝還當顯汝于衆因頓首謝事旣集帝崩遷  
福建行省郎中朝列大夫漢陽監府中順大夫湖南

宣慰副使峒酋岑雄叛奉詔開諭頑獷怙服收太中  
大夫河南行中書省郎中通議大夫同僉樞密院事  
拜禮部尚書大臣奏覈實江南民田漢卿奉詔使江  
西以田額舊定重擾民不使置不問止奏茶漕置局  
十有七所以七品印章教授局官五十一員增中統  
課緡五十萬轉正議大夫兵部尚書未幾命爲中奉  
大夫荆湖北道宣慰使已命復留之延祐三年大臣  
以浙東倭奴商舶貿易致亂奏遣漢卿宣慰閩浙撫  
戢兵民海陸爲之靜謐云從子塔海  
塔海漢卿兄子也世祖時從土土哈克刺赤至元

二十四年扈駕征乃顏二十六年入覲帝充充寶兒赤扈駕至和林賜只孫冠服大德四年授中書直省舍人遷中書客省副使武宗卽位賜中統鏡五百錠以旌其能尋進和林行省理問所官改通政僉院歷和寧路總管改汴梁先是朝廷令民自實田土有司繩以峻法民多虛報以塞命其後差稅無所於徵民多逃竄流移者塔海以其弊言于朝由是省民間虛糧二十二萬民賴以安後改任廬州時有飛蝗北來民患之塔海禱于天蝗乃引去亦有墮水死者人皆以爲異民乏食開廩減直俾民糴之所活其衆天曆

元年冬十月樞密院臣奏以塔海充樞密僉院守潼關及河中府帝遣人馳賜白金鈔帑宣授僉書樞密院事未幾西軍犯南陽督諸衛兵往平之至其地首率勇士與帖木哥等戰摧其前鋒將奪其旗鼓西軍敗走賜三珠虎符進大都督累官資善大夫

### 按扎兒

按扎兒拓跋氏嘗扈從太祖南征歲丙子復從定諸部有功命領蒙古軍爲前鋒時木華黎暨博爾木爲左右萬戶長各以其屬爲翊衛太祖命木華黎爲太師國王都行省承制行事兵臨燕遼營青齊魯趙韓

魏皆下歲已卯河中府降兵北還以按扎兒領前鋒  
總帥仍統所部兵屯平陽以備金攝國王事時金將  
乞石烈氏擁兵數萬邊患然畏按扎兒威名不敢輕  
犯其境歲壬午元帥石天應守河中府屯中條山金  
候將軍率昆弟兵十餘萬夜襲河中天應遣偏裨吳  
權府率五百兵出東門伏兩谷關諭之曰俟其半過  
卽翼擊之俾腹背受敵卽成禽矣吳醉敵至聲援弗  
繼城遂陷天應死焉遂燔其城屠其民將趨中條按  
扎兒進兵擊之斬首數萬級逃免者僅十數歲癸未  
春至聞喜縣西下馬材木平黎卒詔以子孛魯襲其

爵時平陽重地令按扎兒居守歲庚寅孛魯由雲中  
圍絳州金將武仙恐退保潞東十餘里原上孛魯馳  
至泌南未立鼓乞石烈引兵襲其後孛魯戰失利輜  
重人口皆陷沒按扎兒妻奴丹氏亦被獲拘于大梁  
金主聞按扎兒威名召奴丹氏見奴丹氏色莊言正  
不爲動金主因謂之曰今縱爾還能偕爾夫來當厚  
賞尔奴丹氏佯諾之遂得還太宗聞而義之名見褒  
賚甚厚遂詔預其人前鋒事帝率從弟按只吉歹口  
溫不花大王皇弟四太子暨國王孛魯征潞州鳳翔  
至鈞州三峯山金將完顏合達引兵十五萬來戰俘

兩相侯謝修  
其同僉移刺不花等悉誅之明年壬辰春三月帝班  
師北還命偕都元帥唆伯台圍汴城中識按扎兒旗  
幟懼曰其妻猶勇且義况其夫乎歲甲午金亾詔封  
功臣賜平陽戶六百一十有四驅戶三十獵戶四未  
幾以疾卒子忙漢拙赤哥至元十五年忙漢爲管軍  
千戶二十四年從征乃顏二十六年從征海都二十  
七年宣授蒙古侍衛親軍千戶佩金符元貞元年有  
旨命領探馬赤軍偕哈伯元帥從宗王出伯西征改  
授昭信校尉右都威衛平戶大德元年召還至大四  
年卒子乃蠻襲拙赤哥入宿衛從世祖征鄂漢以功

賜白金至元三年從征李璫戰死之子闊闊朮爲御  
史臺都事至元三十一年國王速渾察之子拾得屍  
沒其家有故璽王將鬻之命闊闊朮以示中丞崔彧  
御史楊桓辯其文曰受命于天旣壽永昌蓋秦璽也  
彧請獻之徽仁裕聖皇后后以鈔二千五百貫賜拾  
得家金織文段二賜闊闊朮成宗卽位近臣以其事  
聞授闊闊朮漢中廉訪僉事仕至湖南廉訪使

### 雪不台

雪不台蒙古部兀良罕氏遠祖捏里弼生孛忽都雄  
勇有智畧曾孫合飭溫生哈班哈不里哈班生二子

長虎魯渾次雪不台太祖初建興都于班朱泥河今龍居河水哈班驅羣羊入貢遇盜見執雪不台及兄虎魯渾隨至刺盜殺之衆潰去哈班得以羊進帝所由是父子兄弟以義勇稱虎魯渾以百夫長西征破乃蠻立戰功雪不台以質子襲職七年攻桓州先登下其城賜金幣凡一車十一年戰滅里吉衆于蟾河追其部長玉峪大破之遂有其地扈從征回鶻其主棄國去雪不台率衆追之回鶻竟走死其帑藏之積盡入內府賜寶珠一銀罌十八年討定欽察鏖戰幹羅思大小密赤思老降之奏滅里吉乃蠻怯烈斤欽

察部千戶通立一軍十九年獻馬萬疋二十一年取馭里畏吾特勒赤憫等部德順鎮戎蘭會洮等州獻牝馬三千疋太宗二年大舉伐金渡河而南睿宗以太弟將兵渡漢水而北會河南之三峯山金大臣合鞬鞬諸將步騎數十萬待戰雪不台從睿宗出牛頭關謀曰城邑兵野戰不利易破耳師集三峯金圍之數匝將士頗懼俄而風雪大金卒踐士氣遂奮敵衆盡殪河南諸州以次降破四年夏雪不台總諸道兵攻汴金義帝走衛州又走歸德又走蔡州癸巳秋汴將以城降其冬攻蔡六年春金亾雪不台以汴民

饑縱使渡河就食民德之是年詔宗王拔都西征雪不台爲先鋒戰大捷十三年討兀魯思部主野力班禽之攻馬劄部與其酋怯憐戰遼寧河遣偏師由下流擣其城拔之是時北庭西域河南北關隴皆底定雪不台功力居多初太祖征西夏閱其久於行間敕還省觀雪不台對曰君勞臣佚情所未安帝壯而聽之又金帥合達見獲以不屈死猶問雪不台安在請一識之雪不台出謂曰汝須臾人耳識我何爲曰人臣亦各爲其主卿勇蓋諸將天生英豪其偶然邪吾見卿甘心瞑目矣定宗三年卒於薦列河之地年七十

有三至大元年贈劾忠宣力佐命功臣開府儀同三司上柱國河南王謚忠定

### 唵木海

唵木海蒙古八剌忽解氏與父事合出俱事太祖征伐有功帝嘗問攻城畧地兵仗何先對曰攻城以砲石爲先力重而能及遠故也帝悅卽命爲砲手歲甲戌太帥國王木華黎南伐帝諭之曰唵木海言攻城用砲之策其善汝能任之何城不被卽授金符使爲隨路砲手達魯花赤唵木海選五百餘人教習之後定諸國多賴其力太宗卽位留爲近侍以講武藝歲

兩廂侯謝修  
壬辰從攻河南有功壬子憲宗特授虎符陞都元帥  
癸丑從宗王旭烈兀征刺里西番斜巨山桃里寺河  
西諸部悉下之卒子忒木台兒以從戰功授金符襲  
砲手總管至元十年修立正陽東西二城置砲二百  
餘座與宋人戰却之十三年從丞相伯顏伐宋駐軍  
臨安之臯亭山同忙古歹等八人率甲三百入宋宮  
取傅國寶宋太后請解兵延見內殿期明日奉寶乞  
降至期果遣賈餘慶等奉寶至軍前以功授行省斷  
事官復合其子忽都答兒襲砲手總管十四年進昭  
勇大將軍砲手萬戶佩元降虎符鎮平江之常熟有

叛民擁衆自號太尉者行省會諸軍討之與忽都答  
兒父子自爲一軍奮戈陷陣斬賊酋戴太尉擒朱太  
尉帝嘉其功十五年兼平江路達魯花赤尋遷徽州  
湖州卒忽都答兒後陞砲手萬戶改授達魯花赤卒  
昔里鈐部

昔里鈐部唐人昔里氏鈐部亦云甘卜音相近而  
互用也太祖時西夏旣臣服太軍西征復懷貳心帝  
聞之旋師致討命鈐部同忽都鐵穆兒招諭沙州州  
將僞降以牛酒犒師而設伏兵以待之首帥至伏發  
馬躡鈐部以所乘馬與首帥使奔自乘所躡馬而殿

兩廂侯謝修  
後擊敗之他日帝聞曰卿臨死地而易馬與人何也  
鈐部對曰小臣陣死不足重輕首帥乃陛下器使宿  
將不可失也帝以爲忠進兵圍肅州守者乃鈐部之  
兄懼城破害及其家先以爲請帝怒城久不下有旨  
盡屠之惟聽鈐部求其親族家人於死所於是得免  
死者百有六戶歸其田業威乙未定宗憲宗皆以親  
王與速卜帶征西域明年啟行鈐部亦在中又明年  
至寬田吉思海鈐部從諸王拔都征斡羅斯土也里  
贊城大戰七日拔之己亥冬十有一月至阿速滅怯  
思城負固久不下明年春正月鈐部率敢死二十人

攝雲梯先登俘十一人大呼曰城破矣衆蟻附而上  
遂拔之賜西馬西錦錫名拔都明年班師授鈐部十  
戶賜只孫爲四時宴服尋遷斷事官丙午定宗卽位  
進秩大名路達魯花赤憲宗以下只兒來蒞行臺命  
鈐部同署旣又別錫虎符出監大名己未世祖南征  
供給軍餉未嘗乏絕以疾輿歸卒于家年六十九子  
愛魯

愛魯襲爲大名路達魯花赤至元五年從雲南征金  
齒諸部蠻兵萬人絕縹旬道擊之斬首千餘級諸部  
震服六年再入定其租賦平火不麻等二十四砦得

七馴象以還七年改中慶路達魯花赤兼管爨爨軍  
十年平章賽典赤行省雲南令愛魯疆理永昌增田  
爲多十一年闕中慶版籍得隱戶萬餘以四千戶卽  
其地屯田十三年詔開烏蒙道帥師至王連等州所  
過城砦未附者盡擊下之水陸皆置驛傳由是大爲  
賽典赤信住十四年忙部也可不薛叛以兵二千討  
平之遷廣南西道左右兩江宣撫使兼招討司十六  
年遷雲南諸路宣慰使副都元帥十七年復立雲南  
行省拜參知政事十八年烏蒙羅佐山白水江蠻殺  
萬戶阿忽以叛復討平之十九年召詣闕進左丞也

可不薛復叛詔與西川都元帥也速答兒湖南行省  
脫里察會師進討禽也可不薛送京師仁普諸酋  
皆降得戶四千諸王相吾兒帥諸將征緬愛魯供  
餉無乏絕二十二年烏蒙阿謀殺宣撫使以叛與右  
丞拜答兒往征之拜答兒以愛魯習知其山川道里  
令諸軍悉聽指授分道進擊生擒阿蒙以歸二十四  
年進右丞朝廷立尙書省復改行尙書右丞鎮南王  
征交趾詔愛魯將兵六千人從之自羅羅至交趾境  
交趾將昭文王以兵四萬守木兀門愛魯與戰破之  
擒其將黎石何英比三月大小一十八戰乃至其王

元史列傳卷九  
三五  
城與諸軍會戰又二十餘合功爲多二十五年感瘴  
癘卒贈平章政事諡毅敏子教化中書平章政事請  
于朝贈其祖昔里鈐部太師諡貞獻加贈愛魯太師  
追封魏國公改諡忠節

### 槩直膺魯華

槩直膺魯華蒙古克烈氏初以其部人二百從太祖  
征乃蠻西夏有功命將萬人爲太師國王木華黎前  
鋒下金桓州得其監馬幾百萬匹分屬諸軍軍勢大  
振歲辛未破遼東西諸州唯東京未下獲金使請往  
諭之槩直膺魯華曰東京金舊都備嚴而守固攻之

未易下以計破之可也請易服與其使偕往說之彼  
將不疑俟其門開繼以大軍赴之則可克矣卒如其  
計徇地河北攻大名小大數十戰城垂陷中流矢而  
卒武宗時贈太傅追封衛國公諡武敏子撒吉思卜  
華嗣將其軍太宗元年己丑錫金符安輯河北山東  
諸州先是真定同知武仙攻滅都元帥史天倪家其  
弟天澤擊仙走復真定以天澤爲真定河間濟南東  
平大名五路萬戶庚寅命撒吉思卜華佩金虎符以  
總師行省監其軍金宣宗之徙都于汴也立河平軍  
於新衛以自固恃爲北門撒吉思卜華數攻之不拔

壬申正月太宗自白波濟河而南睿宗由峭石灘涉漢而北撒吉思卜華集西都水之舟渡自河陰至鄭鄭守馬伯堅降及金義宗勢力窮蹙出奔帝命撒吉思卜華追躡之會其節度斜檢阿卜棄衛入汴撒吉思卜華遂據而有之十二月義宗自黃陵岡濟河謀復衛撒吉思卜華與其將白撒戰白公廟五日夜俘斬萬計餘衆盡潰義宗竄歸德撒吉思卜華追躡其後薄北門而軍左右皆水其舟師日至癸巳四月其將阿魯來斫營腹背受敵撒吉思卜華與一軍皆沒嗣國王谷思承制以其弟明安谷兒領其行營尋有

旨以為蒙古漢軍萬戶明安谷兒善騎射從征因糧於敵未嘗匱之軍士免負擔之勞咸樂為用丑憲宗遣從昔烈門太子南伐死于鈞州五子長嘯虎幼普蘭溪順虎從世祖北征叛王挺戈出入其陣帝壯之賜號拔都賞白金四百五十兩及平季禮之亂亦有戰功普蘭溪光祿大夫徵政使金亡命大臣忽都虎料民分封功臣撒吉思卜華妻楊氏自陳曰吾舅及夫皆死國事而獨爾見遺事聞帝曰彼家三世死難宜賜新衛民二百戶撒吉思卜華贈太師諡忠武明安谷兒贈太保諡武毅爵皆衛國公

昔兒吉思

昔兒吉思幼從太祖征回鹘河西諸國俱有戰功大  
宗時從睿宗西征師次京兆府會亦來春將率諸部  
兵作亂昔兒吉思挺身斬賊陣下馬搏戰賊衆莫不  
披靡俄失所乘馬步走至三層宗軍中賊退睿宗嘉其  
勤勞妻以侍女唆火台世祖尤愛之軍旅曰獵未嘗  
不在左右初昔兒吉思之妻爲皇子乳母於是皇太  
后待以家人之禮得同飲白馬酒時朝廷舊典白馬  
酒非宗戚貴胄不得飲也昔兒吉思子塔出爲  
赤迭只幹耳魯千戶塔出子千家奴徹里蠻千戶

殺征乃顏力戰而死帝命籍乃顏人口財物以賜之  
撒里蠻年十六從世祖討阿里不哥戰於尖門禿有  
功賜號拔都兒賞賚尤厚授光祿少卿仍襲爲迭只  
幹耳魯千戶改同僉宣徽院進僉院事以管軍千戶  
從征乃顏有功賞金盃二金五十兩復入爲同知宣徽  
院事成宗時拜宣徽使加太司徒卒子帖木迭兒襲  
爲迭只幹耳魯千戶累遷宣徽院使遷授左丞相

哈散納

哈散納精烈亦氏太祖時從征至罕肯有功命同飲  
朱尼河之水且曰與我共飲此水者世爲我用後管

領阿兒渾寧從太祖征西域下薛迷則于不花刺等  
城至太宗時仍命領阿兒渾寧併回回人匠三千戶  
駐于尋麻林尋授平陽太原兩路達魯花赤兼管諸  
色人匠後以疾卒子捏古伯襲從憲宗攻釣魚山有  
功以疾卒子微的迷失襲撒的迷失卒子木八刺襲  
克貴赤千戶遷西域親軍副都指揮使大德元年  
弟禿滿答襲禿滿答卒子哈刺章襲

傳卷第九

列傳卷第十

元史一百二十三

南京國子監祭酒黃儒炳

司業葉燦補刊

布智兒

布智兒蒙古脫脫里台氏父紐兒傑身長八尺有大  
大善騎射能造弓矢嘗道逢太祖前驅騎士別那顏  
邀與俱見太祖視其所挾弓矢甚佳問誰為造者對  
曰臣自為之適有野鳧翔于前射之獲其二并以二  
矢獻而退別那顏隨之至所居布智兒出見別那顏  
奇之許以女妻之父子遂俱事太祖嘗從征討賜紐

兒傑拔都名從征回回斡羅思等國每臨陣布智兒奮身力戰身中數矢太祖親視之令人拔其矢血流大體悶仆幾絕太祖命取一牛剖其腹納布智兒于牛腹浸熱血中移時遂甦紐兒傑卒憲宗以布智兒爲大都行天下諸路也可扎魯忽赤印造寶鈔賜七寶金帶燕衣十襲又賜蔚州定安爲食邑布智兒卒有子四人長好禮事世祖備宿衛會丞相伯顏伐宋奏好禮督水軍攻襄樊從渡江入臨安以功授昭毅大將軍水軍翼萬戶府達魯花赤別帖木兒吏部尚書補兒答思雲南宣慰使不蘭奚襲父職爲水軍翼

萬戶招討使鎮守江陰移通州子完者不花遼陽省理問

召烈台抄兀兒

召烈台抄兀兒初事太祖時有哈刺赤散只兒朶魯班塔塔兒弘吉刺亦乞列思等居堅河之濱忽蘭也兒吉之地謀奉扎木合爲帝將不利於太祖抄兀兒知其謀馳以告太祖遂以兵收海刺兒阿帶亦兒渾之地盡誅扎木合等惟弘吉刺入降太祖賜以答刺罕之名其子那真事世祖爲也可扎魯花赤那真歿子伴撒襲其職伴撒卒子火魯忽台襲致和元年八

元史列傳卷十一  
月執倒刺沙起軍之使察罕不花并其金字圓牌以獻天曆元年十一月帝賜金帶仍復其職嘗奏言有犯法者治之當自貴人始窮乏不給者救之當自下始如此則可得衆心矣其言良切於事弊云

闊闊不花

闊闊不花者按攤脫脫里氏爲人魁岸有膂力以善射知名歲庚寅太祖命太師木華黎伐金分探馬赤爲五部各置將一人闊闊不花爲五部前鋒都元帥所向莫能支然不嗜殺惟欲以威信懷附故所至無殘破略定濱棣諸州俘獲焦林諸處民四百餘但籍

其姓名遣歸鄉里徇益都守將降得其財物馬畜悉以分賜士卒歲壬辰從太宗渡河攻汴梁歸德分兵渡淮攻壽州守將無降意射書城中諭之城中人感泣以綵輿奉金公主開門送款濶濶不花下令軍中輒入城虜掠者死城中帖然公主義宗之姑也歲丙申太宗命五部將分鎮中原濶濶不花鎮益都濟南按察兒鎮平陽太原孛羅鎮真定肖乃台鎮大名怯烈台鎮東平括其民匠得七十二萬戶以三千戶賜五部將濶濶不花得分戶六百立官治其賦得薦置長吏歲從官給其所得五戶絲以疾卒官子黃頭代

領探馬赤爲元帥從丞相伯顏取宋道死子東哥馬襲其職累遷右都威衛千戶卒

拜延八都魯

拜延八都魯蒙古扎刺台氏幼事太祖賜名八都魯歲乙未太宗命領扎刺軍一千六百人與塔海甘卜同征關西有功癸丑憲宗命與阿脫總帥汪世顯創立利州城甲寅領兵紫金山破宋軍鹿角寨奪其軍餉器械丁巳從都元帥紐鄰城成都及領兵圍雲頂山下其城帝親征元帥紐鄰既進兵涉馬湖江畱拜延八都魯鎮成都降屬縣諸城得其民悉撫安之賜

黃金五十兩衣九襲諸王哈丹朶歡脫脫等征大理還命拜延八都魯領兵迎之道過新津寨與宋潘都統遇戰敗之殺獲甚衆中統二年元帥紐鄰上其功授蒙古奧魯官子外貌台孫兀渾察至元六年拜延八都魯告老兀渾察代其軍從行省也速答兒征諸國有功十六年從大軍征幹端又有功賞銀五十兩二十一年諸王朮伯命兀渾察往乞失哈里之地爲遊擊軍時敵軍二千餘兀渾察以勇士五十人與戰擒其將也班胡火者以獻王壯之以其功聞賞銀六百兩鈔四千五百貫授蒙古軍萬戶賜三珠虎符三

十年以疾卒次子襲授曲先塔林左副元帥尋卒弟塔海忽都襲陞鎮國上將軍都元帥改授四川蒙古副都萬戶至治二年以疾退子孛羅帖木兒襲

### 阿木魯

阿木魯蒙古氏太祖時命同飲班朱尼河之水扈駕親征有功命領兵收附遼東女直還賞金甲珠衣寶帶他物稱是復命總兵征西夏與敵兵大戰于合刺合察兒之地西夏勢感其主懼乞降執之以獻太宗殺之賜以所籍貲產繼領兵收附信安下金二十餘城其後告老諸王塔察兒命其子不花代領其軍

### 紹古兒

紹古兒麥里吉台氏事太祖命同飲班朱尼河之水扈從親征已而從破信安畧地河西賜金虎

授洛

磁等路都達魯花赤領軍出征復從伐金破河南太

宗命領濟南大名信安等處軍馬復從國王答石出

征歲辛亥卒子拜都襲拜都卒子忽都虎襲移睢州

從世祖渡江攻鄂還鎮恩州中統三年從征李璫有

功尋命修立邳州城領兵鎮兩淮十一年從丞相伯

顏渡江有戰功又從叅政董文炳泆海出征還鎮嘉

興行安撫事十二年加昭勇大將軍職如故十四年

授嘉興路總管府達魯花赤尋陞鎮國上將軍黃州  
路宣慰使尋罷黃州宣慰司復舊任十六年改授浙  
西道宣慰使加招討使仍鎮國上將軍奉詔征占城  
以其國降表貢物入見帝嘉之厚加賞賚二十四年  
從征交趾明年還師授邳州萬戶府萬戶三十年沒  
于軍

阿刺瓦而思

阿刺瓦而思回鶻八瓦耳氏仕其國爲千夫長太祖  
征西域駐蹕八瓦耳之地阿刺瓦而思率其部曲來  
降從帝親征旣破瀚海軍又攻輪臺高昌于闐尋斯

子等靡戰不克沒于軍子阿刺瓦丁從世祖北征有  
功至元二十九年卒壽一百二歲子瞻思丁有子五  
人長烏馬兒陳州達魯花赤次不別隆鎮衛都指揮  
使次忻都監察御史次阿合馬拱衛直司都指揮使  
次阿散不別驍勇善騎射歷事成宗武宗仁宗數被  
寵遇計前後所賜楮幣餘四十萬緡他物稱是積官  
榮祿大夫三珠虎符子幹都蠻襲職致和元年八月  
自上都逃來丞相燕帖木兒任爲裨將率壯士百人  
圍滅里帖木兒等于陀羅臺驛擒之以獻特賜衣一  
襲及秃秃馬失甲金束帶各一白金一百兩鈔二百

元史列傳卷十  
六  
錠天曆元年九月克行院同僉十月從擊忽刺台馬  
扎罕等軍于盧溝橋敗之追至紫荆關多所俘獲招  
降安童所將軍一千五百人復以功受上賞二年進  
樞僉院三年以隆鎮衛都指揮使兼領拱衛司

抄兒

抄兒別速氏世居汴梁陽武縣從太祖收附諸國有  
功又從征金没于陣子抄海從征河南山東復没于  
陳子別帖將其父軍從攻鄂州以功賞銀帛衣甲等  
繼從太子忽哥赤西征大理國復没于陳子阿必察  
至元五年授武略將軍蒙古千戶賜金符從圍襄樊

復渡江奪陽羅堡岸口以功賞白金進宣武將軍  
古軍總管管領左右手兩萬口軍既下廣德從平章  
阿里海牙征海外國率死士鼓戰船進奪岸口擒勇  
士趙安等以功賞銀帛十六年命管領蒙古侍衛軍  
以疾卒于軍

也蕭甘十

也蕭甘十唐兀氏歲辛巳率衆歸太祖隸蒙古軍籍  
奉旨同管河西人從木華黎出征以疾卒子昂言  
與襲領其軍征諸國有功至元六年授金符千戶從  
征新黃安慶等處九年易虎符陞信陽萬戶從平章

阿木哥又有功歷淮西道宣慰使參知政事都元  
 帥盧州蒙古漢軍萬戶府達魯花赤行省左丞相尚  
 書左丞積官龍虎衛上將軍二十一年擢其子昂阿  
 禿入見世祖命昂阿禿充遠古兒赤二十四年隨駕  
 征乃其有功奉旨代其父職二十六年授廬州蒙古  
 漢軍萬戶府達魯花赤大德六年領兵討宋隆濟等  
 以功受上賞還鎮廬州以私財築室一百二十餘間  
 以居軍士之貧者省臺以其事聞特命陞其秩以金  
 束帶賜之泰定四年卒昂阿禿之弟暗普由遠古  
 赤授金符唐兀禿魯花千戶後改授海北海南道

訪使

趙阿哥潘

趙阿哥潘土波思烏思臧掇族氏始附宋賜姓趙氏  
 世居臨洮祖巴命富甲諸羗父阿哥昌貌甚偉有力  
 兼人金貞祐中以軍功至熙河節度使金亡保蓮花  
 山以其衆來歸皇子闊端之鎮西土也承制以阿哥  
 昌為豐州安撫使時兵興城無居人至則招逃亡立  
 城壘課耕桑以安輯之年八十卒于官阿哥潘事親  
 以孝聞從伐蜀與宋都統制曹友聞屢戰勝負畧相  
 當以破大安功最授同知臨洮府事斬朝天關乘嘉

陵江至閬州獲蜀船三百艘攻利州生得其劉太尉  
戰敗宋師于潼川宋制置使劉雄飛進攻青居山阿  
哥潘擊之宵潰四川大震進逼成都畧嘉定平峨眉  
太平寨擒其將陳侍郎田太尉餘衆悉降大小五十  
餘戰皆先陷陣皇子賜以金甲銀器歲壬子世祖以  
皇弟南征大理道出臨洮見而竒之命攝元帥城益  
昌時宋兵屯兩川堡柵相望矢石交擊歷五年而城  
始完憲宗出蜀以阿哥潘爲選鋒攻西安下之賜金  
符授臨洮府元帥帝駐釣魚山合州守將王堅夜來  
所營阿哥潘率壯士逆戰手殺數十百人堅遂引去

明日陛見帝喜曰有臣如此朕復何憂賜黃金五十  
兩名曰拔都中統建元詔還鎮臨洮歲饑發私廩以  
賑貧乏給民農種粟二千餘石蕪菁子百石人賴不  
饑郡當孔道傳置旁午有司敞于供給阿哥潘以私  
馬百疋充驛騎羊千口代民輸帝聞而嘉之詔京兆  
行省酬其直阿哥潘曰我豈以私惠而邀公賞耶卒  
不受以軍事赴青居山道爲宋兵所邀遂死于敵阿  
哥潘好畜良馬常千蹄歲擇其上驥五駟貢于朝子  
孫遵之不替先是勲臣子孫爲祖父請謚者帝每靳  
之至是勅大臣以美謚謚之謚曰桓勇子重喜始給

侍皇子闊端爲親衛癸丑從世祖征哈刺章數有功  
中統元年渾都海反從總師江良臣引兵至拔沙河  
納火石地逆戰以功授征行元帥四年從討忽都達  
吉散竹台等克之制必帖木兒王承制使襲父職爲  
元帥入覲賜金虎符爲臨洮府達魯花赤時解軍職  
而轉民官者例納所佩符有旨趙氏世世勤勞其金  
符勿拘常例使終佩之重喜在郡邵農興學省刑敦  
教以善治聞請致事不許詔其長子官卓斯結襲爲  
達魯花赤陞重喜鞏昌二十四處宣慰使卒謚桓襄  
官卓斯結往靖退辭官閑處二十餘年仁宗聞其名  
召不起子德壽雲南左丞

### 純只海

純只海散木台氏弱冠宿衛太祖帳下從征西域諸  
國有功歲癸巳太宗命佩金虎符充益都行省軍民  
達魯花赤從大帥太出破徐州擒金帥國用安丁酉  
以益都爲皇太子分土遷京兆行省都達魯花赤至  
懷值大夫士卒困憊有旨以本部兵就鎮懷孟未幾  
代察罕總軍河南尋復懷孟己亥同僚王榮潛畜異  
志欲殺純只海伏甲繫之斷其兩足跟以帛緘純只  
海口置佛祠中純只海妻喜禮伯倫聞之率其衆攻

榮家奪出之純只海裹瘡從二子馳旁郡請兵討榮  
殺之朝廷遣使以榮妻孥貲產賜純只海家且盡驅  
懷民萬餘口郭外將戮之純只海力爭曰爲惡者止  
榮一人耳其民何罪若果盡誅徒守空城何爲苟朝  
廷罪使者以不殺吾請以身當之使者還奏帝是其  
言民賴不死純只海給榮妻孥券放爲民遂以其宅  
爲官解秋毫無所取郡人德之旣入覲太宗以純只  
海先朝舊臣功績昭著賜第一區於和林尋以疾卒  
勅葬山陵之側皇慶初贈推忠宣力功臣金紫光祿  
大夫上柱國溫國公謚忠襄仍勅詞臣劉敬中製文

樹碑於懷以旌其功云子昂阿剌嗣

苦徹拔都兒

苦徹拔都兒欽察人初事太宗掌牧馬從攻鳳翔戰  
潼關皆有功後從大將速不台攻汴京金人列木柵  
於河南苦徹拔都兒率死士往拔之賜良馬十匹師  
還金將高都尉率衆邀於中路苦徹拔都兒迎鋒斬  
其首以歸賜白金五十兩幣四匹從攻蔡州前鋒荅  
荅兒與金將戰金將捽其鬚苦徹拔都兒進斫金將  
乃得脫蔡州破金守將佩虎符立城上苦徹拔都兒  
以鐵椎擊殺之取虎符以獻帝嘉其能命從皇子攻

東陽繼從宗王口温不花攻光州一日五戰光州下  
賜黃金五十兩白金酒器一事馬三十四百戶愛不  
怯赤自以臨陣不勇乞苦徹拔都兒自代遂陞百戶  
從攻滁州與宋兵大戰至暮宋兵敗走西山苦徹拔  
都兒與千戶忽孫追殺之歲己未世祖伐宋募能先  
絕江者苦徹拔都兒首應命率衆逼南岸詔苦徹拔  
都兒與脫歡領兵百人同宋使諭鄂州使降抵城下  
鄂守將殺使者以軍來襲苦徹拔都兒與之遇奮擊  
大破之復賜黃金五十兩中統三年拔蔡州蒙古漢  
軍萬戶冬宋人犯西平苦徹拔都兒逐北踰淮獲其

生口甚衆至元二年秋由安慶入廬州聞宋兵至亟  
設伏于竹林擊殺之四年秋九月元帥阿朮軍襄陽  
安陽灘宋兵據渡口苦徹拔都兒擊破其衆五年從  
阿朮圍襄陽擊奪宋將夏貴米舟阿朮入漢江以其  
有戰功俾與扎刺兒引軍南畧獲八十人十年八月  
畧地淮東十一年遣招鄂州十二年遣招滁州誅王  
安撫改武畧將軍管軍千戶五月伏兵大江北岸擊  
宋軍敗走之十三年復畧地淮東獲其總管二人以  
獻遷滁州總管府達魯花赤宋都統姜才率軍取糧  
高郵苦徹拔都兒從史萬戶奪其馬及糧橐二萬淮

東平入朝十四年從討叛人只里瓦丁于懷刺合都  
 改宣武將軍滁州路總管府達魯花赤十七年率其  
 子脫歡孫麻兀入見奏曰臣老矣幸主上憐之帝命  
 以脫歡為宣武將軍管軍總管佩金符麻兀為滁州  
 路總管府達魯花赤其後脫歡以征倭功授明威將  
 軍滁州萬戶府達魯花赤陞昭勇大將軍征行軍萬  
 戶府達魯花赤佩三珠虎符又以征爪哇功陞昭毅  
 大將軍鎮守無為滁州萬戶府達魯花赤次子鎖住  
 襲其職

怯怯里

怯怯里斡耳那武太宗七年南伐以千戶從開端  
 安豐壽州又從諸王塔察兒率蒙古軍二千攻荆  
 破之賜馬二匹與萬戶納解以兵守沂郟畧漣海又  
 從元帥懷都攻襄陽卒子相元速襲父職率本部兵  
 從丞相阿木攻襄樊又從塔出築正陽堡瀘軍乘艦  
 來窺壁壘相元速率征騎逆之夾淮水而軍射死者  
 甚衆至元十二年賜金符授武畧將軍明年從御史  
 大夫博羅罕罕渡海秋九月從丞相伯顏渡淮率兵  
 一千騎攻淮安南門破之又從元帥博羅罕築邊頭  
 堡萬戶納兒解討疾令相元速權領蒙古女直人

三萬戶夏五月采揚州都統姜才引兵來侵相元速  
率本部兵逆戰有功又從丞相阿木襲制置使李庭  
芝及姜才于秦州皆殺之十四年加宣武將軍管軍  
總管十八年為蒙古侍衛親軍總管二十三年改千  
戶三十年陞蒙古侍衛親軍副指揮使司事賜金虎  
符加顯武將軍于捏古解元貞元年為蒙古侍衛親  
軍百戶大德六年襲父職佩金虎符授宣武將軍延  
禧四年陞左翊蒙古侍衛親軍都指揮使仍所佩符  
進懷遠大將軍  
塔不兒兒

塔不兒兒末呂紕氏太宗時以招討使將兵出征破  
信河南以功授金虎符征行萬戶歲甲寅以疾卒  
子脫察刺襲職歲己未率兵渡江獻十字寨命其子  
重喜從行重喜率先引弓射中敵兵又多殺獲既而  
與敵兵戰于洋隘口奪戰艦一流矢中左足勇氣愈  
倍時世祖駐蹕洋隘口北親勞之曰汝年幼能宣力  
如是深可嘉尚然繼今尤當勉之及脫察刺卒以重  
喜襲職中統三年從征李璫有功四年以兵鎮莒州  
至元二年奉旨初築十字路城以備守禦重喜率兵  
南為將軍四年從抄不花出至泗州北古城

時蔡千戶為敵兵所圍重喜奮戰救  
觀帝嘉其功賜白金納失失段及金  
修正陽城明年宋兵圍正陽從戰敗  
連海諸城俄奉旨率五千人從出征  
宋將李提轄等戰大敗之殺掠幾盡  
三年夏六月宋都統姜才領諸軍來  
七月從兵襲擊李庭芝等于泰州平  
將軍婺州路總管府達魯花赤佩已  
子慶孫襲職初授宣武將軍管軍  
十六年移戍鎮江府十八年還鎮  
州二十年進明

威將軍二十二年移鎮十字路二十四年領諸翼軍  
鎮太湖教習水戰二十九年從征爪哇陸昭勇大將  
軍征行上萬戶將行可留之皇慶二年卒子字蘭  
奚襲

直脫兒

直脫兒蒙古先父阿察兒事太祖為侍兒赤直脫兒  
從太宗征欽察康里回回等部有功四年收河南關  
西諸路得民戶四萬餘以屬進重皇太后為脂粉緣  
線顏色戶八年建歲樂七局于涿州明年改涿州路  
以直脫兒為達魯花赤卒子名蘭末襲佩虎符李瓊

叛世祖命領諸萬戶為監戰達魯花赤以討之有功授解萬戶翼監戰領軍遷益都路蒙古萬戶監戰密州沒于軍從子忽刺出襲職授軍勇大將軍至元十一年攻宋六安軍有功行中書省命領諸軍戰艦衝宋軍宋軍敗有旨褒賞九月師次安慶忽刺出及魯政董文炳領山東諸軍順流東下至丁家洲遇宋軍夏賁孫虎臣等戰江中宋軍大敗擒其將校三十七人軍五千餘船四十艘十二年三月與宋軍戰朱金沙復有功七月復與宋軍戰焦山江中時丞相阿木等督戰忽刺出與董文炳身冒矢石公流塵鬨八

餘里忽刺出身被數傷累創力戰遂勝之九月宋軍張殿帥攻奪呂城倉州陽縣忽刺出與萬戶懷都往救生擒之十月下常州從丞相伯顏畧蘇湖秀州至長橋遇宋軍又敗之十三年正月師至杭州丞相伯顏命忽刺出守浙江亭及宋北門五月揚州軍劫揚子橋僅敗之六月敗真州軍七月追李庭芝至通海口降揚州及高郵寶應真州滁州等城江南平加格毅大將軍職如故尋遷湖州路達魯花赤十四年進鎮國上將軍淮東宣慰使已而守上都十五年授嘉議大夫行御史臺中丞十九年進資善大夫福建

行省左丞黃華叛平之二十二年授江淮行省左丞二十三年遷右丞三月進崇祿大夫江浙行省平章政事六月卒

### 月里麻思

月里麻思乃馬氏歲丁丑太宗命與斷事官忽都那同署歲戊戌又同阿朮魯拔都兒充達魯花赤破南宿州歲辛丑使宋議和從行者七十餘人月里麻思語之曰吾與汝等奉命南下楚人多詐倘遇害當死焉毋辱君命已而馳抵淮上宋將以兵脅之曰爾命在我不死頃刻間耳若能降官爵可立致不然必不

汝貸月里麻思曰吾持節南來以通國好反誘我以不義有死而已言辭慷慨不少屈宋將知其不可逼乃囚之長沙飛虎寨三十六年而死世祖深悼之詔復其家以子忽都哈思爲答剌罕日給糧食其家人忽都哈思自陳於帝曰臣願爲國效死爲父雪恥帝喜納之授以上均州監戰萬戶十八年以招討使將兵征日本死於敵

### 捏古刺

捏古刺在憲宗朝與也里牙阿速三十人來歸後從征釣魚山討李璫皆有功子阿塔赤世祖時圍襄陽

下江南敗失列及征乃顏皆以功受賞後事成宗武宗爲札撒兀孫仁宗時歷官至左阿速衛千戶卒于教化初爲速古兒赤繼襲父職必里阿秃叛奉旨往平之凱還賜衣一襲天曆元年八月從丞相燕帖木兒戰居庸北有功九月進拱衛直都指揮使尋遷章佩卿子者燕不花初事仁宗爲速古兒赤英宗時爲進酒寶兒赤天曆元年迎文宗于河南賜白銀綵段命爲溫都赤九月往居庸關料敵道逢二軍謂探馬赤諸軍曰今北兵且至其避之者燕不花恐搖衆心卽拔所佩刀斬之授兵部郎中招集阿速軍四百餘人十月進兵部尚書授雙珠虎符領軍六百人迎敵通州會丞相燕帖木兒至檀子山與秃滿迭兒戰敗之遷大司農丞

阿兒思蘭

阿兒思蘭阿速氏初憲宗以兵圍阿兒思蘭之城阿兒思蘭偕其子阿散真迎謁軍門帝賜手詔命專領阿速人且畱其軍之半餘悉還之俾鎮其境內以阿散真置左右道遇闍兒哥叛軍阿散真力戰死之帝遣使裹屍還葬之阿兒思蘭言于帝曰臣長子死不

古來至帝命從兀良哈台征哈刺章有功兀良哈台賞以白金名馬從伐宋中流矢而死子忽兒都答充管軍百戶世祖命從不羅那顏使哈兒馬某之地以疾卒子忽都帖木兒武宗潛邸時從征海都以功賞白金至大元年授宣武將軍左衛阿速親軍副都指揮使四年卒

哈八兒禿

哈八兒禿薛亦氏憲宗時從攻釣魚山有功還又從親王塔察兒北征充千戶所都鎮撫從千戶脫倫伐宋沒于陣子察罕從塔察兒攻樊城西門領揚州等

處游擊軍與宋兵戰有功至元十一年從忽都帖木兒攻江陵東南城堡又從阿刺罕敗宋兵于陽邏堡之南阿刺罕選爲本萬戶府副鎮撫十二年分隸脫脫總管出廣德游擊軍與宋兵戰敗之賜以白金酒器又從攻獨松千秋揆出等關及諸山寨其降民悉綏撫之賜白金一百兩十三年中書省檄爲瑞安縣達魯花赤始至招集逃移民十萬餘戶十四年陞忠顯校尉管軍總把併領新附軍五百人從宣慰唐兀台戰于司空山有功命以其職兼都鎮撫俄遷充侍衛親軍十六年授銀符忠武校尉管軍總把二十四

年賜金符授承信校尉蒙古衛軍屯田千戶二十五年進武義將軍本所達魯花赤二十七年陞左翼屯田萬戶府副萬戶大德五年卒子太納襲

艾貌

艾貌拔都康里氏初從雪不台那演征欽察攻河西城收西關破河南繼從定宗畧地阿奴皆有功又從四太子南伐命元怯憐口阿答赤孛可孫又從兵渡江攻鄂以疾卒于軍子也速台兒從討阿藍谷渾都海征李璫伐宋累功授管軍總把至元十四年從攻福建興化招古田等處民五千餘戶以功陞武畧將

軍十戶賜金符又招手號新軍二千五百餘人陞宣武將軍總管賜虎符有旨征日本也速台兒願効力賜以弓矢進懷遠大將軍萬戶二十年授泰州萬戶府達魯花赤二十三年遷昭勇大將軍欽察親軍都指揮使二十四年從征乃顏有功明年卒後贈金吾衛上將軍追封成武郡公謚顯敏

元史列傳卷十終

崇禎七年刊

列傳卷第十一

元史一百二十四

翰林學士雷夫知制誥兼修國史臣宋濂翰林制承直郎同知制誥兼國史院編修官臣王禕等奉勅修

塔本

塔本伊吾廬人人以其好揚人善稱之曰楊公父宋五設託陀託陀者其國主所賜號猶華言國老也塔本初從太祖討諸部屢阨艱危復從圍燕征遼西下平濠白霄諸城軍士有妄殺人者塔本戒之曰國之本民也殺人得地何益於國且殺無罪以堅敵心非上意太祖聞而喜之賜金虎符俾鎮撫白霄諸郡號

行省都元帥管內得承制除縣吏死囚得專決久之  
徙治興平興平兵火傷殘民慘無生意塔本召父老  
問所苦爲除之薄賦歛役有時民大悅乃相與告教  
無違約束歸者四集塔本始至戶止七百不一二年  
乃至萬戶出已馬以寬驛人貸廉吏銀其子錢不能  
償者焚其券農不克耕亦與之牛比歲告稔民用以  
饒庚寅詔益中山平定平原隸行省甲午盜李仙趙  
小哥等作亂塔本止誅首惡宥其誑誤癸卯立春日  
宴羣僚歸而疾作遂卒是夕星隕隱隱有聲遣命葬  
以紙衣瓦棺贈推誠定遠佐運功臣太師開府儀同

三司上柱國追封營國公謚忠武子阿里乞失鐵木  
兒

阿里乞失帖木兒嗣父職爲興平等處行省都元帥  
其爲治一遵先政興學養士輕刑薄徭雖同僚不敢  
私役一民從大軍伐高麗有功歲丙辰卒贈宣忠輔  
義功臣榮祿大夫平章政事柱國追封營國公謚武  
襄子阿台

阿台當襲父職適罷行省爲平灤路總管府丁巳憲  
宗命阿台爲平灤路達魯花赤始至請蠲銀鹽酒等  
稅課八之一細民不征世祖卽位來朝賜金虎符諸

使王道出平灤供給費銀七千五百兩戶部不卽償  
阿台自陳上前盡取償以歸置甲乙籍籍民丁力民  
甚便之至元十年進階懷遠大將軍歲饑發粟賑民  
或持不可阿台曰朝廷不允願以家粟償官於是全  
活甚衆僚屬始至阿台必遺之鹽米羊畜什器曰非  
有他也欲其不剝民耳姻族窮者月有常給民有喪  
不能葬者與之棺槨布帛資糧灤爲孤竹故國乃廟  
祀伯夷叔齊以勵風俗二十一年進昭武大將軍二  
十四年乃顏叛獻馬五百疋佐軍世祖大喜已而得  
乃顏銀甕亟以賜之二十五年入朝以疾卒賜宣力

功臣資德大夫中書右丞上護軍追封永平郡公諡  
忠亮子迭里 或失

迭里威失少 好讀書成宗時入宿衛授河西廉訪司  
僉事拜監察御史遷淮西廉訪副使召爲中書左司  
員外郎出樞密院參議世宗初授翰林侍  
講學士出爲河間路總管屬歲饑出俸金及官庫所  
積賑之活者十萬大河間富水陸要衝四方供億皆  
取給焉迭里威失立法調遣民便之復建言增置使  
習弓馬有一人益運兵之數於是盜賊屏息陵州羣  
凶爲害民甚悉收羣衆死獄中後陸遼陽行省參知政

事子鎖咬兒哈的迷失  
哈的迷失  
達失年十二宿衛英宗潛邸寧康御書  
物英宗即位拜監察御史至治元年春詔起大剌于  
京西壽安山  
李謙亨上章  
病民非所以  
劉慶安獻浙  
右民可冒出內帑鈔六百萬貫丞相帖  
木迭兒分取  
其半監察御史發其姦由是疾忌亨謙  
至是帖木迭  
兒之子瑣南為治書侍御史密奏曰彼  
宿衛舊臣聞  
事有不便弗即入白今訕上以揚已之

直大不敬帝  
乃殺鎖咬兒哈的迷失與觀音保杖挂  
謙亨黥之竄  
諸遐裔恭定初贈鎖咬兒哈的迷失資  
德大夫御史  
中丞上護軍追封永平郡公謚貞忠賜  
其妻子銀五百貫良田千畝仍詔樹碑神道  
哈刺亦合赤北魯

哈刺亦合赤  
北魯長元人也性聰敏習事國王月角  
帖木兒亦都  
護聞其名自凌里迷國徵為斷事官月  
仙帖木兒卒  
子八兒出阿兒忒亦都護年幼西遠主  
朝兒可齊遣  
復據其國且召哈刺亦哈赤北魯至則  
以為諸子而  
為兒出阿兒忒開太祖明聖乃殺西遠

使更遣阿憐帖木兒都督等四人使西遼阿憐帖木兒都督者哈剌亦哈赤北魯斯也具語以其故於是與其子月朵天野訥馳歸太祖一見大悅即令諸皇子受學焉修令月朵天野訥以質子入宿衛從帝西征至剌夫八里東獨山見城空無人帝問此何城也對曰獨山城往歲大饑民皆流殺之它所然此地當北東要衝宜耕種以為備臣昔在唆里迷國時有戶六十願移居此帝曰善遣月朵天野訥佩金符往取之父子皆留居焉後六年太祖西征還見田野墾闢民物繁庶大悅問哈剌亦哈赤北魯斯則已死矣延賜

新柔失野訥都督印章兼獨山城邊魯花赤月朵天野訥率子乞赤宋忽兒在太宗時襲爵賜號答剌罕子四人曰塔塔兒曰忽棧曰火兒思蠻曰月兒思蠻世祖命火兒思蠻從雪雪的斤鎮雲南月兒思蠻襲宗襲父爵兼領僧人後因軍帥札忽兒台據別失八里盡室徙居平涼與其子阿的迷失帖木兒入覲世祖詔入宿衛為必闍赤命從安西王忙哥剌出鎮六盤安西王薨其子阿難答嗣成宗即位遣使入朝因奏阿的迷失帖木兒父子本先帝舊臣來享先王服勤二十餘年矣若終老王府非所以盡其才也願

以歸陛下用之咸宜可其奏授阿

州達魯花赤積官知書太監卒子

阿隣帖木兒善國老百多聞識歷事

累遷榮祿大夫翰林學士承旨英

左右陳說祖宗以承及古先哲王

經紀錄故實總治諸王駙馬蕃國

式迎明宗入正大統一見歡甚願

天曆三年進光祿大夫知經筵事

忽魯曰六十日咱納祿沙刺班累

拜中書平章政事

塔塔統阿

塔塔統阿畏兀人也性聰慧善言

乃蠻大敗可汗尊之為傅掌其金

征乃蠻國亡塔塔統阿懷印逃去

於我矣汝負印何之對曰巨職

也將以死守欲求故主授之耳

人也問是印何用對曰出納錢

皆用之以為信驗耳帝善之命

旨始用印重乃命堂

塔統阿悉以所遺對

字書曰言以宗師位命司內府王璽金帛命其妻言  
加賜予塔塔統阿  
子賜予甚厚汝等  
當盡供太子用有餘則可分受帝聞之顧  
塔塔統阿以朕所賜先供太子其廉介可知  
矣由是璽加禮遇以疾卒至大二  
年贈中奉大夫追  
封鴈門郡公子四人長玉笏迷失次力渾迷失次連  
渾次薦綿玉笏迷失少古  
渾都海叛於三盤  
時玉笏迷失守護皇孫璽  
璽率其衆與渾都海  
戰至云必勒適  
璽益兒與之合兵復戰  
玉笏迷失死之力渾迷失有膂力嘗獵于野與衆相  
失遇盜三人欲奪其衣力渾迷失搏之盡仆遂縛以  
還帝召見選力士與之角無與敵者帝壯之賜金令  
脩宿衛速羅海襲父職仍命司內府王璽金帛薦綿  
舊事皇子哈刺察見世祖即位從其母入見欲官之  
以無功辭命統宿衛奉使遼東卒封鴈門郡公子阿  
必實哈陝西行省平章政事

三璽帖穆尔

岳璽帖穆尔回鶻人畏兀國相曠曠谷之裔也其兄  
低璽加普華年十六襲國相者刺罕時西契丹方強

威制畏元命太師僧少監來臨其國驕恣用權奢淫  
自奉畏元王惠之謀於叱理伽普華曰計將安出對  
曰能殺少監擊吾衆歸大蒙古國彼且震駭矣遂率  
衆圍少監斬之以功加號叱理傑忽底速接明別吉  
妻號赫思迭林左右有疾其功者譖于其王曰少監  
珥珠先王寶也叱理伽普華匿之蓋急衆勇失其王  
怒索寶甚急叱理伽普華度無以自明乃亡附太師  
賜以金虎符獅紐銀印金螭椅一床金直孫校尉四  
人仍食二十三郡繼又賜銀五萬兩以弟岳璘帖穆  
爾爲質叱理伽普華以疾卒岳璘帖穆爾從太祖征

討多戰功皇弟幹真求師傅帝命岳璘帖穆爾往訓  
導諸王子以孝弟敦睦仁厚不殺爲先帝聞而嘉之  
從平河南徙鄴縣民萬餘戶入樂安俄授河南等處  
軍民都達魯花赤佩金虎符并賜宮女四人所得上  
方賞資悉輦歸故郡以散親舊且盛陳漢官儀衛以  
激厲之國人羨慕道出河西所過榛莽或時乏水爲  
之鑿井置煖居民使客相慶稱便太祖即位以中原  
多盜選充大斷事官從幹真出鎮順天等路布德化  
寬征徭盜追姦葦州郡濟寧尋復監河南等處軍民  
年六十七卒于保定後贈宣力保德功臣山東宣慰

使諸葉蘭子合朝普華見忠義傳

李楨

李楨字彞臣其先西夏國族子也金末楨以經童字  
遷既長入為質子以文學得近侍太宗嘉之賜名三  
出干必閣亦從皇子閣出伐金帝命之曰九軍中事  
須訪楨以行及下河南諸郡閣出遣楨偕吉登哥往  
唐鄧二州覈民實兵餘歲凶流散十八九楨至賑恤  
饑寒歸者如市十年從大將察罕下淮甸楨以功佩  
金符授軍前行中書省左右司郎中楨奏尋訪天下  
儒士令所在優贍之十三年師圍壽春天雨不止楨

命之必者之則生靈何辜請退舍數里身往招之  
之楨遂軍騎入敵壘曉以利害明日與其將二人  
眾來降以功賜銀五千兩楨奏言襄陽乃吳蜀之  
衝宗之喪襟得之則可為他日取宋之基本定宗  
其言廣成賜虎符授襄陽軍馬萬戶丙辰憲宗命  
率師從哨襄樊戊子帝親征乃楨同議事秋九月  
于合州年五十九

李唐

李唐外族父懷都事太祖嘗



大將君其上使入宮仰望汝汝俯而諭之願不停手  
以爲山西大達魯花赤受命方出有回回六人訟  
不實將抵罪遇諸途急止監者曰姑緩其刑當入  
復見帝曰此六人者名著西域徒以小罪盡誅之  
非所以懷遠人也願以賜臣臣得困辱之使自悔  
遷善爲他曰用殺之無益也帝意解召六人謂之  
生汝者速哥也其竭力事之至雲中皆釋之後有  
大官者其寬大愛人多類此卒年六十二贈推忠  
運同德功臣太師開府儀同三司上柱國追封宣  
王謚忠襄子六人曰長罕曰玉呂忽都曰撒合里

都曰忽蘭曰忽都兒不花曰不花長罕玉呂忽都撒  
合里都皆從兀魯赤太子出征以戰功顯忽蘭之母  
以后戚故得襲職鉏強植弱均役平刑闔郡賴以安  
輯乙未之抄戶籍也前賜崞人已入官籍更賜山西  
戶三百西方多盜郡縣捕不得則法當計所失物直  
倍償郡縣苦之有甄軍判者率群盜往來阜平曲陽  
間殺人渾源界而奪之財縣以失捕當償忽蘭曰此  
大盜也縣豈能制哉卽遣千人捕甄殺之勦捕其餘  
黨其害乃除忽蘭性純篤然酷好佛嘗施千金修龍  
宮寺建金輪大會供僧萬人卒年四十二贈太保金

紫光祿大夫上柱國追封雲國公諡康忠子天德于  
思穎悟過人世祖聞其賢令襲父爵養母完顏氏以  
孝聞自中山北來適有邊釁天德于思督造兵甲撫  
循其民無有寧息形容盡瘁帝聞而嘉之賜馴豹名  
鷹使得縱獵禁地當時眷顧最號優渥卒年三十九  
贈太傅儀同三司上柱國追封雲國公諡顯毅子孫  
世多顯貴云

### 忙哥撒兒

忙哥撒兒察哈札刺兒氏曾祖赤老溫愷赤祖朮阿  
父那海並事烈祖及太祖嗣位年尚幼所部多叛忘

朮阿獨不去皇弟朮只哈撒兒陰撻之去亦謝不從  
朮阿精騎射帝甚愛之號爲默爾傑華言善射之尤  
者也帝嘗與賊遇將戰有二飛鷲至帝命朮阿射之  
請曰射其雄乎抑雌者乎帝曰雄者朮阿一發墜其  
雄賊望見驚曰是善射若此飛鳥且不能逃况人乎  
不戰而去從征乃蠻敵率銳兵鼓而進朮阿按兵屹  
不動敵止俄復鼓而進朮阿亦不動敵卒疑畏不敢  
前世祖征蔑里吉兵潰朮阿與其弟左右力戰以衛  
帝會兀良罕哲里馬來援敵乃引退那海事太祖備  
歷艱險未嘗形於言帝嘉其忠且念其世勲詔封懷

洛陽百七十五戶忙哥撒兒事睿宗恭謹過其父嘗從攻鳳翔首立奇功定宗陞爲斷事官剛明能舉職憲宗在藩邸深知其人從征幹羅思阿刺欽察諸部常身先諸將及以所俘寶王頒諸將則退然一無所取憲宗由是益重之使治藩邸之分民間出游獵則長其軍士動如紀律雖太后及諸嬪御小有過失知無不言以故邸中人咸敬憚之廼以爲斷事官之長其位在三公之上猶漢之大將軍也旣拜命出帳殿外欵橐坐熊席其僚列坐左右者四十人忙哥撒兒問曰主上以我長此官諸公其爲我言當以何道守

官衆皆默然又問之有夏人和幹居下坐進曰夫札魯忽赤之道猶宰之刲羊也解肩者不使傷其脊在持平而已忙哥撒兒聞之卽起入帳內衆不知所爲皆咎和幹失言旣入乃爲帝言和幹之言善帝召和幹命之步曰是可用之才也和幹由是知名定宗崩宗王八都罕大會宗親議立憲宗畏兀八刺曰失烈門皇孫也宜立且先帝嘗言其可以君天下諸大臣皆莫敢言忙哥撒兒獨曰汝言誠是然先皇后立定宗時汝何不言耶八都罕固亦遵先帝遺言也有異議者吾請斬之衆乃不敢異八都罕乃奉憲宗立之

憲宗之幼也太宗甚重之一日待幸天大風入帳殿命憲宗坐膝下撫其首曰是可以君天下他日用特按豹皇孫失烈門尙幼曰以特按豹則犢將安所養太宗以爲有仁心又曰是可以君天下其後太宗崩六皇后攝政竟立定宗故至是二人各舉以爲言云憲宗旣立察哈台之子及按赤台等謀作亂剗車轅藏兵其中以入轅折兵見克薛傑見之上變忙哥撒兒郎發兵迎之按赤台不虞事遽覺倉卒不能戰遂悉就擒憲宗親簡其有罪者付之鞠治忙哥撒兒悉誅之帝以其奉法不阿委任益專有當刑者趣以法

刑之乃入奏帝無不報可帝或臥未起忙哥撒兒入奏事至帳前扣箭房帝問何言卽可其奏以所御大帳行扇賜之其見親寵如此癸丑冬病酒而卒帝以忙哥撒兒當國時多所誅戮及是咸騰謗言迺爲詔諭其子畧曰汝高祖赤老溫愷赤賢汝祖搠阿事我成告思皇帝皆著勞績惟朕皇祖實褒嘉之汝父忙哥撒兒自其幼時事我太宗朝夕忠勤罔有過咎從我皇考經營四方迨事皇妣及朕兄弟亦罔有過咎暨朕討定斡羅思阿速穩兒別皇欽察之域濟大川造方舟伐山通道攻城野戰功多於諸將俘厥寶玉

大賚諸將則退然無欲得之心惟朕言是用修我邦  
憲治我蒐田輯我國家罔不咸乂惟厥忠雖其私親  
與朕嬪御小有過咎一是無有比私故朕皇妣迨朕  
昆弟無不嘉賴朝之老臣宿衛耆舊無不嚴畏錄其  
勤勞命爲札魯忽赤治朕皇考受民布昭大公以辨  
獄慎民愛作朕股肱耳目衆無諱言朕聽以安自時  
厥後察哈台阿哈之孫太宗之裔定宗闕出之子及  
其民人越有他志賴天之靈時則有克薛傑者以告  
于朕汝父肅將大旅以遏亂畧按赤台等謀是用潰  
悉就拘執朕取有罪者使辨治之汝父體朕之公其

刑其宥克比于法又使治也速不里獄亦克比于法  
惟爾脫歡脫兒赤自朕用汝父用法不阿兄弟親姻  
咸麗于憲令衆罔不怨曰爾亦有死耶若有慊志人  
則雖死朕將寵之如生肆朕訓汝爾克明時朕言如  
是而有福不如是而有禍惟天惟君能禍福人惟天  
惟君是敬是畏立身正直制行貞潔是汝之福反是  
勿思也能用朕言則不墜汝父之道人亦不能間汝  
矣不用朕言則人將仇汝伺汝間汝怨汝父者必曰  
汝亦與我夷矣汝則殆哉汝於朕言弗慎繹之汝則  
有咎克慎繹之人將敬汝畏汝無間伺汝無慢汝怨

汝者矣又而毋而婦有讒欺巧佞構亂之言慎勿聽之則盡善矣至順四年追封忙哥撒兒爲宛國公子四人長脫歡次脫兒赤次也先帖木爾次帖木兒不花脫歡爲萬戶無子脫兒赤子明禮帖木兒累官翰林學士承旨從征乃顏有功明禮帖木兒子咬住咬住子也先延徽寺卿也先帖木兒子曰哈刺合孫帖木兒不花子曰塔木納曰哈里哈孫曰伯荅沙伯荅沙幼入宿衛爲寶兒赤歷事成宗武宗由光祿少卿擢同知宣徽院事陞銀青光祿大夫宣徽院使遙授左丞相武宗崩護梓宮葬于北守山陵三年乃

還仁宗即位眷顧益厚延祐二年拜中書承平日夕朝廷清明君臣端拱廟堂之上而百姓又安於下一時號稱極治仁宗崩帖木迭兒執政改授集賢大學士仍開府儀同三司錄軍國重事未幾以大宗正禮魯忽赤出鎮北方亦以清靜爲治邊民按堵泰定間還朝加大保及劄刺沙樵兵上都兵濱伯荅沙奉璽級來上文宗嘉之拜太傅仍爲禮魯忽赤至順三年薨伯荅沙爲人清慎寬厚號稱長者其孫也貧無以爲斂天皆歎其廉詔贈推忠佐理正德義義功臣開府儀同三司太師上柱國追封威平王三

子長馬馬的斤次潑皮次八郎八郎基而孫其母之  
艾契氏二十而實守節不他適八郎後為太宗正府  
札魯忽赤能繼其先有成立者母氏之教也

孟速思

孟速思長元入世孫別突入皇古北庭都護之北勿  
有奇寶年十五盡過本國書太祖聞之召至闕下  
見大悅曰此兒言守有大它日可大用以授魯宗  
視顯懿莊聖皇后分邑歲賦復事世祖於落  
親用憲宗崩孟速思言于世祖曰神聖不可  
祖嫡孫唯王長孫一賢宜即皇帝位請至答宗見之

孫哥合丹等咸是其言世祖即位眷顧益重南征時  
與近臣不只兒為斷事官及諸王阿里不哥叛相拒  
漠北不只兒有二心孟速思知之奏徙之於中都親  
監護以往帝以為忠數命收召豪俊凡所引薦皆極  
其選詔與安童並拜丞相固辭帝語安童及丞相伯  
顏御史大夫月魯那演等曰賢哉孟速思求之彼族  
誠為罕也孟速思為人剛嚴謹信蚤居帷幄謀議世  
莫得聞至元四年卒年六十有二帝尤哀悼特謚敏  
惠武宗朝贈推忠同德佐理功臣太師開府儀同三  
司上柱國追封武都王改謚智敏子九人多至大官

后土卦凶豈徒危昧正知益弊悔下以人多不...

元史卷十一終

...

...

...

...

...

...

...



